

敬業堂詩集

冊九

1

2

3

4

5

6

7

8

9

10

11

12

13

14

15

16

17

18

敬業堂詩集卷四十目錄

長告集

元旦朝回 御賜酒肴果品二席中使賚至臣家感 恩恭紀

周桐野前輩貽雲碁一副開奩皆白子也戲占二絕句

病風

恭和 御製詠烏槍原韻

赴翰林院供職恭紀

初假十四韻

十二韻

師父歿權厝天津且死屬其子曰必反吾骨故鄉時元立甫九歲貧不

能自存去而為僧得法于平陽晝公今五十年矣辛卯秋徒跣北來求

父葬處天津瀕海沙水衝激殆不可辨有里老張姓者依稀指其處發

視墓碑在焉桐棺無恙將奉以歸葬相見京師乞一言紀其事爰贈以

瀆山酒海歌

并序

正月二十五日奉 旨停免內直仍

二月朔日碧桃盛開

盆中新種幽蘭忽吐一花病枕喜作

元立上人淮陰張氏子幼隨父客京

詩

獨坐聞孤雁

清明日偕馮卯君馬素村沈駟襄家言思諸孝廉及兒建出右安門小飲

祖園水亭有懷城西舊遊

三月十五日

恩賜翰林院講讀編

檢諸臣松花江綠石硯中使宣

旨查慎行吳廷楨廖賡謨宋至吳士

玉五人向在武英殿纂修着揀式樣佳者給與

玉五人向在武英殿纂修着揀式樣佳者給與

臣慎行得夔龍大硯一

方恭紀二十韻

曉出西郊

偕德尹潤木信安兒建孫祈過摩訶菴看杏花主僧乞詩留題一絕

再疊韻一首

廣濟寺看海棠同涂燮菴徐壇長次

杜牧之街西詩韻

是日再過燮菴同年寓園看海棠兼

招王樓村

荷陰清暑圖揆院長屬賦四首

送陳絨菴前輩視學山東二首

展假戲簡吳山掄薄聿修陳世南三

同年

德尹招同人飲寓庭紫藤花下

陳子萬七十壽令子履中孝廉來乞詩

題汪籲三騎驢圖卽送其赴醴泉縣任二首

同年王樓村嘗夢至一處梅花滿庭有一老人杖而入以杖數樹云此十
三本以付汝汝若饑時但喫梅花便是神仙地位也覺而屬禹司賓慎
齋畫十三本梅花書屋圖壬辰四月樓村官罷將出都以圖索句作歌
贈之

用義山詩作起句

行之意再疊韻奉答

自怡園藤花

曉起聞鶯聲次院長原韻

雨後觀芍藥再呈院長

鶴卵次院長原韻

聞汪紫滄同年出獄

送孫洪九之任瓊山兼簡瓊州守林碧山

平陽太守孔彝仲六十壽詩

賦得忍冬花送樓村同年南歸分韻

得羣字

以釋門五經約註送院長有詩見謝

卽次來韻奉酬

送史傲弦前輩視學粵東二首

晚香齋畫卷紅椒上人屬題二首 羅浮五色蝶院長屬賦

送院長揆公隨 駕避暑山莊 把犁圖爲汪苻洲前輩題二首

題從孫恆侯雲岫觀日出圖 送陳鍾庭前輩由學士督學畿輔二

首 送唐次衣庶常省覲歸揚州次安溪

相國原韻 湯西厓前輩自通政改授翰林掌院

學士時奉使嶺南未歸馳詩寄賀兼述鄙懷八首

送同年宋山言視學兩浙 院長自口外寄餉鱖魚山蕨

兒建舊任東鹿令自補部郎每生日邑之士民不憚六百里走京師製屏

幃爲壽遇余誕辰亦然無以酬之作詩以示不敢當之意

百日假滿歸心未遂排悶成篇 偶閱雪關訓和詩輒效其體作十偈

寄晚香上人 久旱得雨

兩中院長送塞山赤藤杖至兼以詩索和次原韻

題徐壇長庶常竹趣圖 題陳希聖然藜圖

題達履中東郊尋梅圖

夏冰

余歸志已決而行在信至院長固欲相留再呈一律以申前請

自怡園荷花四首

長律一章寄祝座主清溪徐公九十

壽

寄祝梅定九徵君八十壽安溪相國

屬和

題王石谷杏花春雨圖

安溪相國見示紀家難述舊德詩敬題長律五十二韻

雨中過林鹿原梁園寓齋二首

客有笑余乘驢車者賦此答之

顧俠君庶常招飲晚翠閣次東坡白鶴峯新居將成夜過翟秀才二首韻

院長寄馬尾蠅拂子

寄祝胡東樵八十壽清溪大司寇屬

賦二首

立秋前一日馮卯君同年招遊樵沙

道院

題四明萬開遠冰雪集後故友貞一

之子也

題亡友吳商志遺像

立秋後七日偕周桐野宮恕堂錢綱菴張日容繆湘芷林鹿原顧俠君郭

雙村家查浦潤木兩第再集樵沙遺院用白香山遊開元觀韻

題明興安州牧金公與游擊唐通手書後公諱之純字健之黃州廣濟人

德尹舉第二子同學數人醵錢為湯餅之會席上口占四首

種竹詩四首次晚香長老韻

院長寄惠鮮鹿脯及柘綠魚腊僕以

轉餉周桐野明日枉詩見謝奉答四絕句亦如來詩之數

桐野又示七律一章謂前詩不必寄院長再次來韻

題杜子綸庶常填詞圖二首

送楊冠三同年赴任餘杭兼訂徑山

之遊二首

為人題舉網圖

題王石谷瀟湘雨意圖卷

同年劉大山生子名曰阿雷索詩為

贈

商丘宋冢宰八十壽讌詩

同年盛東田餉青筍徑茶賦謝

題東田志行詩草後即次見投原韻

題天山坐鎮圖送胡洛思僉事備兵肅州

題陳季方詩冊

兒建乞假挈累先歸老人行期未定

悵然有作

題朱漢源佩劍圖

東田同年忽戒作詩昨日過我賞菊醉後復破戒以詩來索和章戲次原韻

藥酒初成

謝院長惠人夢三首

老人夜臥患足冷以錫爲壺貯熱湯

二三升許納被窩中資其餘溫可以達旦俗名湯婆子宋王晦叔有詠脚婆詩黃山谷詩中所云暖足餅卽此也冬來用之甚適戲贈以詩

送盛東田出宰興化四首

桐鄉友人至傳長孫興祖舉子及接

家信乃生女也口占解嘲二首

送德尹典試廣東二首

殘冬展假病榻消寒聊當呻吟語無倫次錄存十六首

自題癸未以後詩藁四首

題鄒古愚望日圖小影二首

歲杪自嘆二首

周桐野前輩以隋龍藏寺碑拓本見

貽二首

敬業堂詩集卷四十目錄

...

...

...

...

...

...

...

...

...

...

...

敬業堂詩集卷四十

海寧 查慎行 悔餘

長告集 起壬辰正月 盡十二月

辛卯臘月左手病風今春漸及右臂蒙 恩停免內直始得因病乞假前
後滿百日患猶未除適兩院長俱遠出遂因循度歲昔白香山守蘇州時
年甫五十八而退居之計已決其詩有長告雖當百日滿故鄉元約一年
回之句未幾果歸又十年而風疾作余今年六十有三患病在前請假在
後出處之際有媿昔賢多矣

元旦朝回 御賜酒肴果品二席中使實至臣家感 恩恭紀

玉笋班初散瓊筵

賜北扉忽傳

中使到正值早朝歸仙液瓜梨脆

哈蜜瓜 凍梨皆

異品也

春羹雉兔肥一家同醉飽元日拜

恩稀

周桐野前輩貽雲碁一副開奩皆白子也戲占二絕句

朝來畫得紙爲枰一咲開奩賭不成遮莫先生寓微諷不教黑白太分明

周天三百六十一奇偶中從太極分細玩君家舊圖說有陽可得獨無陰

病風

香山臨老愁風痺昭諫多時患臂攣自分早衰宜速退敢云同病比前賢三災有劫誰能免五苦無塵可怕纏不學維摩佯示疾道場還作散花天

瀆山酒海歌

并序

內西華門外西南一里許明朝御用監在焉又南數十步爲真武殿庭前老檜一株下有元時玉酒海承以石床玉色青碧間以黑章白暈旁刻魚龍海馬出沒波濤之狀口面約廣三尺餘隨其質爲凹凸若荷葉然形製朴古膚理溫潤中容四五石許壬辰正月十九日偕雲間高不騫槎客往觀摩挲久之按元史世祖紀至元二年十二月瀆山大玉海成勅置廣寒殿輟耕錄云廣寒殿在萬歲山頂中有小玉殿內設御榻左右列侍臣坐牀前架黑玉酒壺一車駕歲巡上都先宴于此燕都遊覽志云今御用監中有小亭亭內一玉缸體質頗潤中積水外以朱欄護之卽廣寒殿中物也槎客屬予紀其實

因參考舊聞而系以詩

雲間高生精賞鑒嗜古搜奇確且瞻朝來導我出西華指點前朝御用監監南
新荆玄都壇當門老檜青蛟蟠舊聞酒海今落此共嘆體質猶堅完瀆山巨璞
初無價誰遣不脛來輦下至元巧匠雕琢成萬歲山頭設高架天然位置平不
頗瑣窗八面開重阿石龍吸水上霄漢倒瀉溢為太液波波光翻動廣寒殿滿
瓊蒲桃映華瑱侍臣多著質孫衣質孫燕服見元史世祖紀天子親臨詐馬宴電轉星流四
百年故都何物不推遷曾承沆瀣依天上流落人間亦可憐亭虛無復朱欄護
頽砌旁連髹器庫天吳跋浪髻鬣張只與空庭飽風露君不見周彝商斝近來
無形製爭傳博古圖為池為海將安用唉爾幾同五石壺

恭和 御製詠烏槍原韻

鍍金浴鐵製新傳万丈光生掌握前命中巧踰弓入彀發機突並烏爭先毛風
血雨來千里雷暉雷確徹九天一震餘威收有截坐令寰宇靖烽煙

正月二十五日奉 旨停免內直仍赴翰林院供職恭紀

九年旣筆廁清班忝竊虛名祇汗顏瑣闥乍辭疑削籍玉堂重到許投閒勞生
分定升沈外 聖主恩深進退間留取羽毛憐病鶴孤飛何日放教還

二月朔日碧桃盛開

無數緋桃蕊齊開仲月初人情方最賞花意已無餘

初假十四韻

涉海疑無岸收帆喜有涯初諳閒氣味已攬病情懷長假知難遽微名料易埋
密藏虛白室高挂踏青鞋一榻春將半孤蹤世孰偕自延醫入座便少客升階
似鵠肩雙塌如籤指互排屈伸寧自主運用漸多乖藥餌聊投水針鉉等刺柴
簡編從度閣典校免科差臥久兼拋杖僧來或勸齋老蠶甘蠹葉瘦馬嗜枯蕪
卽事安愚分餘生戀廢骸幾時真大咲撒手向懸崖

盆中新種幽蘭忽吐一花病枕喜作十二韻

本草繙因藥旬來偶種蘭近根微取潤培土最宜乾愛護新芽茁爬梳舊葉完
連朝風習習昨夜露漙漙笑口欣將拆花頭側未安一尖長計寸五出瓣成單

靜女晨粧淡幽人翠袖寒香來殊不意夢好却無端客有逢知賦周弘讓山蘭賦竊逢知于

綺吾方擬操彈當門誰免忌入室雅相驩養鼻芬何與椒蘭芬莖所以養鼻也出史記禮書同心

契漸難祗應賢子弟佳氣滿門闌時德尹潤木信安諸弟俱在都下

元立上人淮陰張氏子幼隨父客京師父歿權厝天津且死屬其子曰

必反吾骨故鄉時元立甫九歲貧不能自存去而為僧得法于平陽晝

公今五十年矣辛卯秋徒跣北來求父葬處天津瀕海沙水衝激殆不

可辨有里老張姓者依稀指其處發視墓磚在焉桐棺無恙將奉以歸

葬相見京師乞一言紀其事爰贈以詩五人肉五英與其刻家對左

僧臘五十八當時九歲孤悽涼銜治命辛苦望泉壚鬼守他鄉魄兒存出世軀

兩消生死憾含咲赴歸途

獨坐聞孤雁

風急天高片影孤水圍初脫尚驚呼是日行在初撒水圍菰蔣幸有單棲處莫入羣中更

作奴

清明日偕馮卯君馬素村沈駟襄家言思諸孝廉及兒建出右安門小

飲祖園水亭有懷城西舊遊

臥聞風日好暫起出郊垆歲有清明節人如聚散星烟光初上柳水氣欲生萍

却憶名園路橋邊共踏青

三月十五日 恩賜翰林院講讀編檢諸臣松花江綠石硯中使宣

旨查慎行吳廷楨廖賡謨宋至吳士玉五人向在武英殿纂修着揀式

樣佳者給與臣慎行得夔龍大硯一方恭紀二十韻

砥石青山麓松花碧水濱天文聯析木地產富琳珉蘊作巖間璞來為席上珍

自蒙官采擇頓發玉精神有用逢時出無瑕抱質純性剛偏激潤膚膩不留塵

露氣鮮流葉波光綠漾蘋銘辭周雅古背有御書銘其辭曰形製帝鴻新規

矩方圓合廉隅節角勻雕龍由哲匠篋鳳賁儒臣賜硯有泥憶昨隨班久曾經

拜 賜頻前在內廷兩蒙頒賜隄廩兼月給梨几亦時陳延閣披香夕山莊珥筆晨詩多

呈 乙覽賦每達 楓宸自罷文昌直仍叨竊祿因微勞蒙 記憶末路慰沈

淪 優旨宣中使殊榮逮五人枯魚咸仰澤病樹稍知春臣分增慚慙 君恩
視咲嘖捧歸憐手顫增重爲 絲綸

曉出西郊

小童晨出郭歸報杏花開病試經春屐隣賒過臘醅斜風吹巷陌細雨隔樓臺
未遂田園計僧寮又一來

偕德尹潤木信安兒建孫祈過摩訶菴看杏花主僧乞詩留題一絕

酒場詩壘付前塵不到精藍二十春今日眼昏花似霧僧難誰識未歸人

再疊韻一首

弟勸兄酬不隔旬花前渾作一家春可能消得兒孫福奉杖將車侍老人

廣濟寺看海棠同涂燮菴徐壇長次杜牧之街西詩韻

滿城烟柳正藏鴉好事偕尋老衲家旛影愛飄新掃地露痕初綻半開花略宜
步障遮濃日惜少鴟夷載後車肯似旁人苦攀折一枝歸插帽簷斜

是日再過燮菴同年寓園看海棠兼招王樓村

笑口重開又一奇小堂南北万花枝同時被賞寧論晚明日來看定悔遲無雨
劇憐如許豔有風生怕不禁吹惟應火急邀詩老趁取嫣紅撲酒卮

荷陰清暑圖揆院長屬賦四首

綠水亭南万綠楊一奩明鏡貯煙光自移玉井如船藕高放花頭盡出牆
碧雲擎蓋午陰涼不獨花香葉亦香想見公門清似水春耒飛近讀書牀
六月遊人汗汁融透肌一陣好涼風欲知魚樂看魚戲長在田田翠影中

比似濂溪愛有加年年貪看畫中花直從葉點青錢後剝過蓮蓬始到家

先生每歲

扈從避暑故云

送陳緘菴前輩視學山東二首

頻年慎簡出宮坊公道能令士氣昌稽古榮歸儒者分掄才難得聖人鄉機絲
合與金針度分判知從玉尺量館閣同時皆屬目又看魁柄指東方

冰壺貯質雪飛丸清望今猶重此官絳幄風開三月後紫躔光動五雲端蓬瀛
盛事推粉社桃李新陰到杏壇此去畿南纔七驛道旁迎謁盡儒冠

展假戲簡吳山掄薄聿修陳世南三同年

俸滿開坊及慵多請假頻雨中三月暮花外五湖春已遠鷓鴣隊猶羈麋鹿身
好官如歲酒推讓少年人

德尹招同人飲寓庭紫藤花下

此藤此地初種時詩翁約我索我詩

藤爲桐野手植者今日周亦在座

藤今成陰花滿架吾弟

重來宅其下夜來急雨雷闐闐拓窗起看東南天雲頭解駁日穿漏紫氣散作
濛濛煙兩龍上走尾倒懸之而鱗爪紛盤旋佛光中現寶瓔珞絳節珠幢朝曉
仙笑渠主人負花癖治具典衣誇示客酒徒一半招不來來者留連窮日夕高
燒紅燭臨前庭燭燄浮動千娉婷忽然落藥墮杯面香入醉魂愁欲醒十年万
事經眼見況此旅寓如郵亭藤兮得氣漸張王而我與汝俱頽齡閒坊大可養
衰疾官守幸已逃拘囚飲雖小戶且滿引莫待鳥啄花飄零

陳子萬七十壽令子履中孝廉來乞詩

曾於郎署挹清風解組歸成鶴髮翁才子聲名喧輦下故交書札到山中荆溪

花萼排家集子萬與令兄其年商洛煙霞屬寓公時子萬移知是林泉能養壽

自慚宦跡尚如蓬

題汪顓三騎驢圖即送其赴醴泉縣任二首

結束翩翩西入秦也如懷縣著安仁杏園別有騎驢者羨爾幾同鶴背人今科進士

俱留京教習不聽還鄉唐時進士皆騎驢故云

逸足曾登郭隗臺屈他作吏亦仙才三峯圖上逍遙意又看昭陵石馬來昭陵在醴

泉管內

同年王樓村嘗夢至一處梅花滿庭有一老人杖而入以杖數樹云此

十三本以付汝汝若饑時但喫梅花便是神仙地位也覺而屬禹司賓

慎齋畫十三本梅花書屋圖壬辰四月樓村官罷將出都以圖索句作

歌贈之

鴻臚禹子特好奇聞人說夢乃畫之寒梅繞屋十三本一一著花無醜枝間渠

此屋在何許異境云自華胥移龐眉丈人野鶴姿指樹付汝汝不辭嚼花可使

食無肉仙者得之能瘳飢覺來官舍冰雪冷滿牀簌簌香風吹君家汜光湖水
湄柳繁梅少地苦卑買栽開徑良不易梅性故與高寒宜然而畫藁出神授何
必遠問孤山爲但愁書多無屋貯莫嘆樹小看花遲浮生所遇率假合刹那劫
比阿僧祇幻中生幻想非想身外有身知不知君今罷官歸有期蘧蘧形開夢
者誰詩成擲筆吾自哂區區紀夢何其癡

因病展假院長揆公遣車邀至郊園用義山詩作起句

漳濱臥疾正無憀忽枉車音荷見招藥草去扶藜杖覓楊花來傍酒旗飄不緣
別夢三春隔已憚勞薪半日遙重到名園知有分爲憐詩癖未全消

院長和前韻謂余將乞長假特寓留行之意再疊韻奉答

出處心孤不自憀當歸何待故人招花隨流水雖難住絮到粘泥已倦飄塞馬
楚弓紛得失遊鷗斥鷃各逍遙獨餘門館酬恩地

香山詩高家門館未酬恩

結作癢癢未易

消

自怡園藤花

朱藤春季花入夏已狼籍名園開較晚間作一旬隔我來若相待耀眼動魂魄
舉頭千万梢梢上高格迴欄三百步步轉幽蹟中休得小亭未覺方丈窄
花穠四垂鬢葉厚平展席輕如榆穿錢小串低可摘重如鯁貫柳繁縷紛難擘
尾長或計尋莖短亦盈尺高蹇俄作勢密綴欲無隙南北交絲幃東西挂簾額
采香蜂經營嚙影魚跳擲紫雲烘暖靄不受日光炙且晚顏色殊陰晴氣候易
主人有深意召此閒吟客方當豁襟抱兼用佐肴核擷之復湘之謂有噉花癖
從公亦何幸醉飽且永夕明歲花發時回頭莽陳迹

曉起聞鶯聲次院長原韻

煙條雨葉密難分
曉曉聲從隔岸聞
自出喬林爲求友
苦教獨客感離羣
暗穿花徑如流水
暖炙笙簧好遏雲
斗酒雙柑真不厭
爲渠晨坐到斜曛

雨後觀芍藥再呈院長

夜來微雨曉來風
多爲階前芍藥叢
艷色可將何物比
賞心聊與故人同
遲開分落羣芳後
獨秀慚居萬綠中
莫以將離煩折贈

兩年以來園中每有花開公必遣人折送

此花不

稱白髭翁

鶴卵次院長原韻

四生一墮想緣深陽鳥雙棲只在陰遺種也憐同羽族托胎誰信有仙禽雲霄已具初生質渾沌猶全未鑿心他日長鳴聽子和勿將雀鷁比淳音

音

蘇明允詩雀鷁含淳

聞汪紫滄同年出獄

忽傳恩赦下蕭晨病枕初疑聽果真但是旁觀多感涕誰當身被不沾巾累朝豈少文章禍聖主終全侍從臣莫怪兩家憂喜共十年同事分相親

送孫洪九之任瓊山兼簡瓊州守林碧山

異才資格外仕路有先機

洪九在武英書局校錄去冬告竣特恩敘用

得邑莫辭遠着鞭如爾稀嶺

雲雙鳥度海島一飄飛府主今賢者茲行得所依

平陽太守孔彝仲六十壽詩

十五年前識孔愉座中曾示武夷圖

戊寅初夏余遊武夷時彝仲宰崇安

家承曲阜先師學郡領

陶唐古帝都宦況祇聞琴配鶴仙山猶憶寫為龜懸知北海開樽處酒釀蒲桃不用沽

賦得忍冬花送樓村同年南歸分韻得羣字

鴛鴦亦有偶鷺絲亦有羣本草忍冬一名鴛鴦藤一名鷺絲藤豈謂閱晨莫遽看黃白分亭亭羞

獨豔兩兩含清芬願保忍冬意嗒焉吟送君

以釋門五經約註送院長有詩見謝即次來韻奉酬

禪宗空諸無梵夾實諸有光同日月照瑞叶龜龍負新舊譯兩伊一豈殊三九

翻譯名義云西方有新舊兩伊猶此土之篆隸又云開雖具九九只是三三九九雖殊其理常一五經大綱具五藏條目剖三十

八萬言言言垂不朽大論云毗勒藏有三百二十萬言佛在世時所造後人憶誦力少不能廣誦撰為三十八萬四千言聲明先

釋詁大論言五明者一曰聲精理發智母起教阿舍先修行木义首明通徹牆

壁解脫除枷杻散華與貫華慧悟非愚守多羅雖布葉漚鉢必尋藕我無廣誦

力心地未離垢自從獲此書煩惱變蜺斗久知繆緘石猥欲珍享帝狂緣稍稍

歇幸免怖頭走方丈寄一軀由旬視四肘有時或展閱默坐牢閉口先生愛我

深采善每勑醜作詩相扣擊現此霹靂手祕笈敢自藏琅函往無咎願公調五味灌頂孰與偶眼界示空澄微塵悉抖擻琉璃無障礙當見山河否

送史徽弦前輩視學粵東二首

去作蓬瀛海上仙文昌八座本同躔一朝掌制推三世萬里持衡在兩年史典雲南

鄉試初回故云唇氣晴標瞻斗地虹光夜發種珠淵蒼榕錦荔成陰徧桃李春風分外

妍

鳳池重望屬宮端親見丹山振羽翰昨捧紫綸千騎出尊甫儲相公於三年前奉命祭告南海

新開絳帳萬人看班香宋豔才相嬗蘇海韓潮量校寬但是同朝誰不羨文章

早達似君難

晚香齋畫卷紅椒上人屬題二首

清流九派匯東湖湖上精藍傍弄珠三十年前遊似夢黃花應笑白髭須癸亥客遊

當湖始識上人于化城菴

晚香齋畫已流傳初白菴成未有緣世出世間留二老把茅至竟讓誰先

羅浮五色蝶院長屬賦

我愛羅浮雙鳳子，碧紗籠出看分明。別從花底留仙種，不向林間鬪化生。莊叟夢中渾未識，滕王圖上總難名。祇疑園客蠶爲繭，五色抽絲繡得成。

送院長揆公隨 駕避暑山莊

上卿侍從有仙才，詔許攜家避暑來。閒裏未妨披卷過，別前先約寄詩回。鱖魚味入三秋美，塞草花多六月開。曾是往年同直地，萬峯回首隔蓬萊。

把犁圖爲汪苻洲前輩題二首

宛轉橋通曲折溪，綠陰南北岸東西。玉堂不少栽花地，爲愛山村雨一犁。身占蓬池第一流，却從跨鳳想騎牛。山中宰相他年事，不要黃金畫絡頭。

用南史陶

弘景傳中事

題從孫恆侯雲岫觀日出圖

雲岫家門山去家，咫尺耳平生。趾未到浪走千萬里，客中看畫興飛騰老矣。梯空力尙能桑榆欲挽扶，桑景歸作鷹窠頂上僧。

送陳鍾庭前輩由學士督學畿輔二首

旁無汲引上丹墀獨以文章結
主知奉使銜仍兼學士持衡公不愧宗師朱
衣院吏傳呼出白髮儒官載筆隨好是年時車馬道兩行桃柳夾旌旗

春風入座藹然披形跡無嫌自絕私花月有時成邂逅壺觴幾處記追隨戢鱗
魚廁騰蛟地塌翼鷗眠浴鳳池未敢出郊同祖餞聊憑折柳託新詩

送唐次衣庶常省覲歸揚州次安溪相國原韻

紛紛冠蓋場勇者乃先去河橋萬株柳攀折凡幾樹
九重亟儲材館選盛冷署新進半登瀛芸窗拓雲霧舊來冰雪文詮次列州部羣推著作手領袖佇知
顧云胡遽倣裝矯首赴歸路足知學問力祿養猶孺慕白華古義存至潔如飲
露天際望南帆花間指西墅人生屬有願肯作蓬萍聚與君昨論交託契在未
遇知我無若君侵尋感末暮重來祇自悔
余丁亥告假南歸次衣有送行敘久滯真再誤厚意
久豈忘聊抒贈行句

湯西厓前輩自通政改授翰林掌院學士時奉使嶺南未歸馳詩寄賀

兼述鄙懷八首

眷注 恩深出入偏重看名籍冠羣仙文章舊價新增重不礙來遲十二年先生

于庚辰春由編修改諫垣

久推公望稔公才合到蓬山頂上來品秩不殊銜特換北扉班壓大銀臺

同時領教得名臣程李欣傳拜 命新到此始知師席貴錦袍分占兩家春弘明

治中程篁墩與李西涯同時領教西涯有詩云詞林盛事久相仍師席遙君喜不勝今先生與少司空揆公奉 旨亦同教習庶吉士故云

望中一髮海天青暫借文星作使星莫被江山久留滯無邊風月在頭廳唐翰林承

旨所居第一閣亦名頭廳在學士上今之掌院即承旨職也

詞林故事聞前輩誥勅元須巨手裁便合還 朝稱閣老文淵內署待公開舊傳

文淵閣為翰林內署詔冊制誥皆屬焉凡宣召文移止稱翰林院初不以內閣名每日與閣臣會食輪學士一人專掌誥勅多挨次入閣者故例稱閣老今蘇

州有閣老坊乃吳匏庵為學士時建

石渠天祿校書頻仍歲員多比積薪我是史官頭雪白末班猶領百餘人編深

無過

敢擬微之並樂天才名官職兩殊懸只除一事差相似恰比先生老七年白香山詩

自注云予老微之七年今余與先生年齒相去亦爾故得借用此事

病中未奉休官檄枕上先成寄遠詩計日乞歸應有分向來心事荷深知

送同年宋山言視學兩浙

與君隣牆居晤言實疎曠隔牆見高樹雙鵲巢其上連朝傳好音奉使開絳帳
余方移疾臥君過問無恙握手起踟躕慰懷釋惆悵吾鄉十一郡山海饒氣象
自昔不乏才名賢出輩行讀書想前喆指授不流浪長老尊所聞後生知所嚮
家家承渠鑪一一資蘊釀自從婺學衰科舉變時尚姚江矯斯弊絕學揭孤倡
傳習到南雷淵源大流暢經經緯以史文筆兩浩蕩秀水朱竹垞及慈溪姜西溟頡

頡庶相伉爾來復誰繼耆老日凋喪菑畲任榛蕪多士將安仰君生公相家儒
雅世宗匠商聲振河岳金石比清亮人稱詩滿囊自喜書壓摺此行執文枋獨
力狂瀾障梗柎豫章材厥初視乎養植根在績學條蔓芟冗長風先絕奔趨名
亦戒標榜轉移良易事勢捷登高唱徒從制藝論於衆非所望吾今老且廢記

誦月就忘尙思炳燭光未肯頽然放平生倅直性語出常近謗歸去作州民菽
蘆倘相訪

院長自口外寄餉鱖魚山蕨

山澤珍難二者兼鱖魚肥美蕨芽甜銀絲斫鱸冰調水錦帶宜羹雪點鹽私爲
飽餐慚過分頻叨遠餉恐傷廉年來口腹真相累此疾從今也要砭

兒建舊任東鹿令自補部郎每生日邑之士民不憚六百里走京師製
屏幃爲壽遇余誕辰亦然無以酬之作詩以示不敢當之意

古有歌來莫人今屬去思不聞循吏傳兼補白華詩宦蹟清殊愧民風厚可知
年年四五月重疊到京師

百日假滿歸心未遂排悶成篇

乞歸無路且遲遲長告俄踰百日期已是膏肓成痼疾非關藥石少良醫飛鳥
將子於誰止兒建先以病告假行有日矣老馬爲駒只自嗤轉覺君恩難報稱俸錢三萬

又虛糜

偶閱雪關訓和詩輒效其體作十偈寄晚香上人

耶舍在孕七日，和修處胎六年。那論後先遲速，各人自有生緣。
造物爲爐爲炭，衆生自灼自煎。本來無垢無淨，跳出湯泉冷泉。
馬鳴廣造論議，阿難修集多羅。一字不圖遮眼，試教燒却如何。
五百龍宮鶴衆，他生盡是門徒。切忌當頭着棒，且須開手還珠。
業惑卽迷卽悟，慧根何淺何深。倚杖雖傷佛面，投鍼便契師心。
塔上鈴鳴何語，牆頭旛動誰家。禁得毗藍風力，除非一角袈裟。
一家眷屬何有，木魅水怪山魃。雖則門風高峻，就中容得波旬。
法要不關衣鉢，禪宗易雜龍蛇。東方入世避世，康樂在家出家。
童子燒香掃地，廚人篩米搬柴。此段作何消受，老夫念佛持齋。
八萬四千偈子，猛逢毒手多刪。截斷口頭語句，請師另逗機關。

久旱得雨

聽說今年旱南連，兗豫愁遺蟪蛄。仍出地宿麥已無，秋得雨寧嫌晚如膏。幸徧流

黍苗多望澤莫但洒皇州

雨中院長送塞山赤藤杖至兼以詩索和次原韻

孔光靈壽儼非倫冒雨猶煩送杖人倚賴扶持防滑路料量筋力好抽身鳩知
祝咽先濡味龍欲騰梭早濯鱗不向街頭輕曳出撥開雲霧卽狂塵

題徐壇長庶常竹趣圖

泉聲絕澗秋咽霜信空山早寒何物不當搖落此君獨占檀欒畫中千个萬个
賦裏三竿兩竿留取數間茅屋從教日報平安

題陳希聖然藜圖

閒拋萬卷在巾箱多爲官書校勤忙眼大如箕君莫怪已將藜火比螢光

題達履中東郊尋梅圖

黃埃高壓城頭山老夫畏暑方掩關何來一幅好圖畫彷彿置我羅浮間圖中
之人貌冰雪格與苔枝兩清絕從知托輿在高寒不怕侵肌有炎熱因君棖觸
動歸心欲和孤山處士吟明年君放西湖棹但向梅花多處尋

夏冰

一派方諸水來從石上流物無堅不化性有重還浮耐冷誰能踏乘炎勢易酬
夏蟲渾可語吾欲詰莊周

余歸志已決而行在信至院長固欲相留再呈一律以申前請

世味酸鹹別歸心老病交寧忘魚在藻其奈鶴思巢古有成人美吾非解客嘲
願公全末路道在遜三爻

自怡園荷花四首

一片頗黎上下空芙蓉城現水精宮已離大地炎埃外尙在諸天色相中未免
情多絲宛轉爲誰心苦竅玲瓏雲烘日炙如相試賴是清涼不待風
雕闌北面小亭旁久坐真成透骨香翠羽拂奩開皎鏡綠衣扶扇侍紅粧繁華
肯鬪春三月澹蕩偏宜水一方馬跡車輪尋不到別依淨域作花王
菰蒲響雨午瀟瀟盪洗胭脂取寂寥一鷺偶依疎影立雙魚忽破靜機跳輕橈
劃浪紅翻岸高柳移陰碧過橋宛在中央情脈脈微波咫尺去人遙

菱角雞頭漸滿池，亭亭獨攬出塵姿。難留雨露珠頻瀉，自拔泥汙性不緇。老衲山中移漏處，佳人世外改粧時。白頭相對歸心切，欲捲江湖入小詩。

長律一章寄祝座主清溪徐公九十壽

吳興自昔多耆舊，人瑞今歸九十翁。古殿靈光尊海內，歲星朗耀在江東。龍門傳裏張丞相，淇澳詩中衛武公。落落乾坤誰行輩，明明朝野屬宗工。韓歐著作奇而正，顏謝篇章麗且雄。細入管城抽虎僕，健踰弩矢射牛螭。文壇地望高于位，談吐光芒亘若虹。白雪調孤卑郢曲，朱絲絃直叶廂桐。主張聲氣能延攬，領袖儒紳待發蒙。李泌藏書借諸葛，蔡邕祕本得王充。頌琴拂拭知黃鵠，老研摩挲辨帝鴻。却對友朋心轉小，愛聽絲竹耳逾聰。人稱恭謹成家法，客許周旋合禮衷。什襲有囊多錦製，留題無壁不紗籠。徧栽桃杏開芳徑，新茁芝蘭壓舊叢。雅量風清兼月白，閒情澗碧與山紅。陸龜蒙里移茶竈，張志和家續釣筒。峯倚百寮如畫幃，泉疏半月是清涼。居鄰崑閬差相亞，道在神仙必可逢。憶昨歲當京兆試，吾師力具大臣風。如綱獨挈收羅廣，比鏡虛懸藻鑑融。拔茹心傾非黨

援掄才典鉅本公忠肯教謗酸滄清濁特荷 君恩見始終存問屢承 中旨
渥晉階還校在朝隆壺漿出境迎千里几杖同時授 兩宮已勅天廚供飲膳
復頒 宸翰示褒崇衣冠盛事推華皓扶掖餘榮逮僕僮八洞雲霞雙蠟屐五
湖煙月片青篷種魚蘋末看羣戲養鶴松梢待上舫自信結胎從混沌寧煩訪
道到崆峒千莖雪變丹爐火百煉鋼銷赤堇銅下土口傳非要訣至人踵息有
深功蕊珠乍轉時三扣瓊液閒拋偶一中黃髮高堂老宗伯黑頭子舍大司空
抱來膝上皆文度呼出尊前悉任童成器固知由哲匠學箕旋喜作良弓虞庠
又見孫曾入洛社稀聞橋梓同兩寺高僧招遠永五君新詠削濤戎阮宗大小
分南北裴眷東西合耄种雨過籬根采黃菊霜餘渡口賞丹楓小春晴暖梅先
報十月温和水未凍平叶屏展彩蟾金的爍杯浮綠蟻玉玲瓏遠從翠島尋瓊菜
近向玄都覓綺葱賤子受知非一日微官托跡類孤蓬執經曾附三千士算曆
俄周十二蟲常願籃輿隨靖節敢云藥物備行冲升沉分已安岐路進退心惟
撫薄躬寸簡迢遙馳北闕瓣香親切奉南豐秋來準擬求長假歸去猶思效祝

嵩屈指稱觴期可尅門牆雖峻往來通

寄祝梅定九徵君八十壽安溪相國屬和

數參河洛在先天絕學今猶見一賢訪道早承君相問著書老望子孫傳管
中窺豹知千古杖頂安鳩又十年翁本西京仙尉後世家仍合號梅仙

題王石谷杏花春雨圖

溪光汎汎山濛濛杏花十里五里紅此時江南新雨足農事未起春方中我愧
不如把釣翁小舟閒泊菖蒲叢又愧不如犂角童騎牛踏徧村西東無端乃被
一官縛坐令畫圖之景到眼成虛空還渠自向高堂挂報我歸期行已屆但吟
初白老翁詩何必耕烟散人畫

安溪相國見示紀家難述舊德詩敬題長律五十二韻

相國勳猷盛旂常日月邊廟堂調鼎鼎寰宇靖氛烟却自承平際追思開創年
安溪城僻左瘴海地連綿劇盜營三窟官軍敗兩甄縣疆騷永德郡界躡漳泉
挺險猿猱捷潛蹤蜂蠆懸最難防出沒多是困迤邐村落胥波蕩深山亦蔓延

公家時避匿叔姪被拘攣弱肉疇能保強宗孰與聯間關歸仲父急難見英賢
虎口危將探鵠原痛莫湔試憑三寸舌行挾一空拳本擬辭相奪終知怙不悛
脫身思變計除惡要兵權豈有田橫客俄揚祖逖鞭一呼童僕應兩志弟昆堅
買劍招莊戶椎牛出牧田誓詞情款款義憤涕漣漣首以身衝賊誠堪十當千
拔弧惟恐後集矢共爭先是夜昏迷路其時霧塞天彼愚驕恃衆我怒勇躋顛
岩谷聲搖動風雲氣接連夢魂兇膽裂頭尾亂屍填鼠穴還深鬪烏巢又繼燃
曳柴妻子棄委壑糗糧捐牙孽俱殲矣根株務拔焉向來投死地何敢冀生還
失喜經年陷仍看十口全親朋篩酒會官長插花筵赴敵雖倉卒成功詎偶然
衣冠森介冑臂指儼戈鋌遂使鴟張勢翻爲撲滅緣節奇因險著事往賴人傳
屬者當藩逆先生適錦旋料其情必衄聊復分相牽懇切迎師表辛勤伐叛箋
蠟丸宵入奏露布曉遐宣自爾蒙 恩重因之嚮用專畫轅開八座黃閣入三
遷忠孝培逾厚流風久慮湮伏陳家事仰荷 聖衷憐 賜額旌閭里分榮
賁豆籩鄉評公可采國史實宜編表表推名杰煌煌紀大篇時無門比峻家有

筆如椽閱歷干戈畔分明指顧前境真由目擊痛定尙心怡示後言何苦光前
道不愆會須鑄琬琰餘澤永榕棧

雨中過林鹿原梁園寓齋三首

西家井底窺天小東家樓前瞰地寬一雙病眼無處豁且冒雨出尋蘇端

人言進士不得進

用太白語

自詭書家嬾侍書呼朋日飲坐無事豈謂有愁煩破除

梁園水通虎坊橋及見老柳垂千條三十年來太搖落憑欄雨急風蕭蕭

客有笑余乘驢車者賦此會之

遇酒逢花便出遊蹄間一尺駕輕輶泥塗安穩偕僮僕灰洞馳驅讓馬牛得免
徒行猶有愧更爭先路欲何求冗官只算騎驢客老向天衢閱八騶

顧俠君庶常招飲晚翠閣次東坡白鶴峯新居將成夜過翟秀才二首

韻

怪底東吳顧文學才名今始透春關偶移種竹栽花地如在廉泉讓水間更上

一層宜有閣特開四面爲看山滄州酒釀南烹潔每到君家醉飽還

萬卷書多插架仍肯教輕棄短檠燈簾前涼以三更兩屋裏清于六月冰朝爽
不名名晚翠閱官何似似高僧依稀宣北坊西角鴻爪留泥我亦曾

癸酉夏秋間余寓居

此巷

院長寄馬尾蠅拂子

千條宛轉縮初成便有風從繞指生柄短不勞犀作骨尾長仍借麈爲名禪門
付法今尤濫人世清談久見輕欲效驅除苦無力青蠅當暑正營營

寄祝胡東樵八十壽清溪大司寇屬賦二首

吳羌山色鬱然青中有元家野史亭人指所居爲福地天留此老應文星河汾
業盛傳三世夾漈功高在六經千尺喬松多美蔭重看蘭玉繞階庭

尙書北面舊稱師司寇公少受業于先生碩果西吳更有誰著述久歸三館貯才名曾受

九重知烟波放艇懷清霽風雨連牀記莫釐庚午秋冬先生在洞庭東山書局余獲追隨見說精神

猶健在杖朝不異杖鄉時

立秋前一日馮卯君同年招遊樵沙道院

抱痾儻半載閒居治幽憂故人憐我衰招赴城南遊樵沙古道觀風氣清瀏瀏
東南烟靄交野色翠若浮短牆俯而瞰下有瓜芋疇入門樹干霄檜柏榆槐楸
涼蟬一聲嘒天地颯以秋微颺自北來大火方西流談諧雜坐臥几席兼衾裯
豆籩既靜嘉旨酒亦思柔二馮乃舊好卯君施滄如唐斯萬洵良儔兒孫胥在眼弟
姪互勸酬置我于其間頽然一白頭主人誼良厚欲起每被留試問勢利交有
此摯性不浮雲翳空虛聚散豈自由且為六時樂用豁窮年愁

題四明萬開遠冰雪集後故友貞一之子也

孟郊歿後千餘載苦語何人更別裁風雅道衰無至性海山大得奇才翻瀾
涕淚隨聲出徹骨冰霜煉句來竊喜故人還有子一編浮白為渠開

題亡友吳商志遺像

每過南湖畔傷心是勺園吾猶識前輩君克肖家尊余少時侍先大人於禾
郡及見尊甫培園先生仿
佛生前影淒涼葬後魂風塵莽回首耆舊更誰存

立秋後七日偕周桐野宮恕堂錢綱菴張日容繆湘芷林鹿原顧俠君

郭雙村家查浦潤木兩弟再集樵沙道院用白香山遊開元觀韻

未忍別朋友乃如戀京師循環互主賓荏苒淹歲時自我爲此會四三年於茲
中間小聚散比復相追隨心閒耳目清地曠花卉滋手攜白藤杖笑倚青松枝
林風有餘涼襟袂快一披蓐收鞭白日西走不稍遲顧惟衰病身乞歸行有期
但恐出處跡從今遂參差兄弟幸無遠

是日潤木治具

羣公莫告疲聊希達士達仰托

知音知

題明興安州牧金公與游擊唐通手書後公諱之純字健之黃州廣濟人

公守興安日明當甲戌年廟堂全局壞山谷一城堅餉匱雖難給民貧實可憐
飛書留片紙辛苦想籌邊

德尹舉第二子同學數人釀錢爲湯餅之會席上口占四首

湯餅筵前賀客俱爭誇老蚌出雙珠大兒已識之無字箇是徐卿第二雛

長名佛抱

今年已上學

又見添丁喜可知衝筵不怕眾賓嗤一錢舊是看囊物半月前頭助洗兒

兒生亦是壬辰歲恰後而翁六十年便作小同呼也得可憐花甲一周天

吾年十九初生子子又生孫已就婚余長孫與祖三年前已就婚雲夢慚愧比渠多兩世滿頭

白髮望曾孫

種竹詩四首次晚香長老韻

竹本淇渭材移根到燕土有如傳衣人微命絲一縷傳衣之人命如懸絲五祖囑付六祖語買栽

當六月正值濯枝雨生意盎然回定僧為起舞

瘦鞭走空庭無筍可汝口齋廚貧少味待得明年否未訂歲寒交聊充消夏友

青冥長在望苦節須自守少陵苦竹詩青冥亦自守

袖銜種竹詩戴笠晨過我秋涼約往看我意大肯可詩好書復佳展開風滿坐

因之悟畫理如對鐵鉤鎖

癡人戴凱之作譜搜方志欲收山谷產盡作樊籬寄寓目何用多三竿兩竿翠

竹如領此語為我發清吹

院長寄惠鮮鹿脯及柘綠魚腊僕以轉餉周桐野明日枉詩見謝奉會
四絕句亦如來詩之數

柳貫紅腮火燎毛 賜腥曾記潤脂膏而今老病如枯腊地主恩同菜把叨

卽鹿何須更入林得魚原不費敲針殷勤爲謝南來使已少臨淵見獵心

寄院長

水陸郇廚厭飫頻腹腴尾血取鮮新勿嫌薄饋分乾噬也當貧家作主人

不負漁師與獵師從旁指動爲觀頤朝來齒頰回餘味博得先生四首詩

奉答桐野先生

桐野又示七律一章謂前詩不必寄院長再次來韻

懷珠戴玉互成文

本草鹿戴玉而角斑魚懷珠而鱗紫

直作詩題遠見分網出千絲辭密藻射來

滌辛葷

題杜子綸庶常填詞圖二首

點拍吹簫色色工梨雲一研兩聲中風流爾許真堪妬自琢新詞教小紅
早是人歌緩緩歸誰搓柳汁染郎衣杏花韉汗桃花雨懊惱樊川杜紫微

送楊冠三同年赴任餘杭兼訂徑山之遊二首

秋野雞豚社春山茶笋鄉居人力農圃賢宰好文章衙鼓聲前臥爐烟蒸後香
城偏迎送少幽事滿琴堂

暫作修門別旋期故里逢君方行綰綬我欲去攜筇西上通雙徑南來控獨松

洞天兼福地一一屬花封

道書大滌山為洞天之一天柱山為福地之一皆在縣治內

為人題舉網圖

翠柳陰中水不波長魚如劍亦如梭算來大有幸不幸入網無多出網多

題王石谷瀟湘雨意圖卷

平生愛看王老畫筆蹤幻化無端倪畫石畫水兼畫竹世罕其匹古與齊不師
文與可不學吳仲圭墨君粉本何處得乃在洞庭南北湘東西似聞瀟湘間陰
多晴少雲淒淒湘君去後湘竹怨留取萬古斑斑啼鷓鴣昏昏喚作兩山茵

雞竹

一名山
菌子

滑滑呼成泥九疑斲天不可梯居人寥落行人迷我昔南遊身未到側
聞人說往往猶含悽今觀所畫殊不爾洒落別自開町畦山舒水緩橋平堤步
有舟航林有蹊籬門茅屋幾家住翠色不受纖塵翳叶嵐光深淺葉濃淡地勢
起伏叢高低展之尋丈卷盈握疑有煙雨隨提攜乃知善畫取大意信手故自
忘筌蹄適逢好事者持卷乞我題我詩不入竹枝調恍然如坐箕簞谷口蒼箕
谿

同年劉大山生子名曰阿雷索詩爲贈

種樹期開花花開實斯榮實以況男子花以比女嬰憐君五十餘形影猶單惻
前歲甫生女去冬兒復生兒當未生時厥兆先通靈筮易卦遇震生以雷爲名
吾觀易示象震來遠邇驚一索而得男衆口傳轟轟配天爲大壯剛健含利貞
配坤則爲豫嗶嗶奮陽聲配坎則爲解甲拆敷萃英配巽則爲恆人道以久成
配艮爲小過應時與偕行配離則爲豐日中照乃明配兌爲歸妹長少義交并
于益取日進于隨取元亨于頤節飲食于屯驗滿盈无妄貴无災噬嗑貴慎刑

大哉復之義剝極陽始萌凡茲諸吉祥皆於易理呈皇天不汝薄釋抱來寧馨
特從憂患中用此慰汝情汝可不知足一官何重輕嫁女雖乏財教兒頗有經
祝兒日千里躡步陵公卿他年聽雛鳳或比老鳳清

商丘宋冢宰八十壽讌詩

世澤扶陽厚重傳嶽降神中原留碩果四海一完人開府專旄節還朝領摺
紳遺榮辭魏闕予告就商賓風月香山社鶯花洛水濱懸車時未晚賜馬
齒長新坐握高談塵行扶大雅輪耆英來汝許子姪列荀陳詩好人難和心虛
士樂親位兼名並重時與物皆春養鶴千年頂瞻松百丈身飛觴同賀歲遙祝
鈞璜辰

同年盛東田餉青筍徑茶賦謝

楊侯謂冠

出宰餘杭縣與訂歸期又涉秋好友忽攜鄉味到老夫如作徑山遊

青尖色嫩初開箬綠片香清欲泛甌一首新詩消得否齋廚無物可相酬

題東田志行詩草後卽次見投原韻

同年來詩人莫逆笑相視唱詠日不隔冒雨煩僊使虛懷荷見推倒篋啓行笥
百篇快披閱口諷手弗置爽氣颯然生高冥偕抗志君才洵敏妙蚤合清殿侍
五十甫成名一官迨需次蹉跎感顏狀磊落示標致往往激壯心時時吐沈思
古音非近賞至味有同嗜六義世誰陳於君識風刺簿書何足擾野馬過浮吹
顧惟醞釀深根柢皆有自試以易理推十年貞乃字

東田於癸未成
進士今十年矣

題天山坐鎮圖送胡洛思僉事備兵肅州

按圖舊識西陲遠入畫今看使節閒雪點旌旗秋出塞風傳鼓角夜臨關地連
張掖燉煌界人在輕裘緩帶間一片孤城歸坐鎮不煩三箭定天山

題陳季方詩冊

詩風日以盛詩義日以乖忽於波靡中豁達耳目開之子非絕俗而難與俗諧
所關學不學豈繫材不材春華人亦賞秋實人亦采華實所以然根株故有在
遙遙古今宙相望恆相待方謂老眼空快心今獲乃五十有九章章章非苟作
犁然見比興諷諭于焉託此中有餘味深淺視斟酌子既啜其醇吾言特糟粕

兒建乞假挈累先歸老人行期未定悵然有作

委蛻兒孫去惟留病伴吾未能辭逆旅翻與念長途短夢江湖濶餘生出處孤
殷勤木上座歲晚好相扶

題朱漢源佩劍圖

平生蚤識朱公子要腹便便貯經史無端結束佩吳鉤繪作戎裝稱壯士高步
名場三十秋看人談笑取封侯知君與世無恩怨賣劍何妨去買牛

東田同年忽戒作詩昨日過我賞菊醉後復破戒以詩來索和章戲次

原韻

聞君戒作詩枯寂徒自窘我思破其戒堅壁恐未允試以酒誘之徐徐俟激軫
半酣不自禁大白果連引妙語發天機瀾翻吐難忍明朝傳急足一咲啓吾脛
黃花開正繁虛坐前後盡落英尙可賦有味出咀吮

藥酒初成

老人冬來如蟄蟲坏戶沉值蜚廉風藥爐新煮藥酒熟氣觸鼻觀香先通披衣

起坐暖寒冽卯飲一呷回春融氣衰形耗百病作豈有草木能相攻此身略似
受霜葉藉爾暫發衰顏紅

謝院長惠人夢三首

一兩黃參直五千囊空欲致坐無錢朝來忽荷盈勛賜補貼貧官俸兩年
祖陵地脈禁私創都市居奇價日高翻惜 聖朝多棄物三椹五葉委蓬蒿
四大相纏豈獨風難憑神草證神功七年病要三年艾還在醫王藥籠中

老人夜臥患足冷以錫爲壺貯熱湯二三升許納被窩中資其餘温可
以達旦俗名湯婆子宋王晦叔有詠脚婆詩黃山谷詩中所云暖足餅
卽此也冬來用之甚適戲贈以詩

貧家奉身薄外物罕所需獨宿踰十年布衾温有餘匡床劣容足伸縮頗自如
冬來忽畏寒始嘆氣血枯雖無重腿疾未免愁攣拘何法能療之匱錫成圓模
形如大口盎又若平底盂口大有受理底平無覆虞沸湯貯三升脫襪加雙趺
居然似踵息陽氣回徐徐豈徒活筋骸漸爾柔肌膚宵臥可達曉晨眠容及晡

我欲老是鄉是鄉勝華胥既非燕玉比杜詩暖老須燕玉

且與渥朴殊東坡詩晴窗暖足來渥朴醉

醒惟獨覺冷暖寧關渠婆兮古所名聊作爾汝呼無情亦無想話出楞嚴經老婦得

老夫

送盛東田出宰興化四首

名士誰如盛孝章可人風味是清狂故應天與佳山水生長山鄉宦水鄉咸為杭之

臨安人

范老留題剩古苔官情多委簿書堆濯纓亭外馴鷗地又得詩人管領來濯纓亭范

文正公宰興化時所建公又有南溪馴鷗詩

千里攜家喜可知免教鉤棧走欽崎他時檢點還朝集惜少騎驢入蜀詩東田初掣

授四川富順縣後改調興化

二三千頃菰蒲綠六十四陂菡萏紅縣有八湖六十四蕩五六月間荷花最盛花裏尋君知不遠過

淮只使半颿風

桐鄉友人至傳長孫與祖舉子及接家信乃生女也口占解嘲二首

誰把維虺比夢熊傳訛幾與弄蠻同笑將鏡鑷投諸地等被人呼作太翁
弱女非男却勝無苦催吾景赴桑榆可憐孫又爲人父二十年前膝上雛

送德尹典試廣東二首

平生三度嶺南遊此去星輶速置郵榮路人皆豔科目官資爾已歷時流

詞垣升轉

近皆論俸惟試差開列尙依舊制論資德尹名在第一

不愁寶劍光華掩須信芳蘭氣味幽還恐高鴻在

寥廓張羅藪澤詎勝收

七千里外動征輪寒薄重裘雪洗塵疎柳愛飄江上笛早梅催發驛前春名場

後進雖多士社前遊頓少人

時藥亭元孝翁山俱下世

珍重老兄留眼望蘇家門下要張

陳文潛無已皆子由門下士也

殘冬展假病榻消寒聊當呻吟語無倫次錄存十六首

臥看星回晷景移流光冉冉與衰期人言宦海藏身易自笑生涯見事遲夜似
小年寒漸信病非一日老方知惟餘蓴菜思歸興蚤在秋風未起時

憶昨公車待詔來微名忽忝廁鄒枚主恩不以優俳畜士氣原於教養培身

作紅雲長傍日心如白雪漸成灰依稀一覺遊仙夢初自蓬山絕頂回

茫茫大地託根孤只道煙霄是坦塗短袖曾陪如意舞長眉難畫入時圖移燈

見蠟寧防毒誤筆成蠅肯被汙竊喜退飛猶有路的應決計莫躊躇

雨露榮枯共一天塵沙聚散幾同年車摧却怪蓬猶轉玉碎何圖瓦幸全蠹穴

冰封殘雪後鴈程風緊夕陽前故人珍重留行意謂揆湯兩院長回首觚稜自惘然

盡遣兒孫歸故里尙留弟姪伴他鄉囊空預借三年俸祿入粗供四口糧隨身止三

僕近領俸米六石足支半年矣舊積詩逋呵凍了近添酒債典衣償蕭然此外無餘欠領取南

窗枕味長

一榻中安四面虛放朝渾似放參餘篋中棄扇蟲緣網案上停燈鼠避書過隙

光陰隨夢去就衰筋骨向陽舒重簾可有纖埃到敝帚殘箕罷掃除

膈膊聲中好送寒偶然爲客設碁盤後來或者居人上先處無如占地寬黑白

當前饒勝算高低隨分有爭端老夫兀兀支頤坐看似分明下手難

科詔加 恩典不常征軺就道輩相望抱經佚老頭多白拾芥羣兒口半黃慘

澹風雲憐入穀冬烘頭腦怕當場退身引疾猶多愧我昔曾荒陸氏莊予自丙戌後試

差俱辭免海內連年喪老成南傷秀水竹垞先生歿于己丑秋北新城阮亭先生于去年下世讀書自要師前

輩知己誰能託後生此段人情看爛熟向來士習例相輕笑他江左衣冠族誓

墓區區為角聲

地降天升氣不交羽禽何物尚膠膠霜濃四野鴉爭粒葉禿千林鵲露巢各有

經營寧得已未知辛苦定誰教息鯨補劓勞生事蓋頂終須一把茅

經旬坐穩一蒲團纔閱朝寒又晚寒蘊火梅欣先臘放避霜菊耐涉冬看散花

菴裏新居士視草臺中舊史官勿着兩般分別相大千世界本來寬

不畏羣嗤不受憐孤行一意久彌堅敢誇願大難成佛肯舐丹餘蚤得仙方朔

文章多詭俗放翁家世少高年劍南詩家世無高年我今六十翁色經指訣全拋却人壽終非

草木延

宜忌拘牽十二三靈苗毒草比粗諳性存薑桂何妨辣味到苓連不取甘好友

敬業堂詩集 卷四十一 三 中華書局聚

勸嘗真苦口庸醫隔膜漫多談古方難適今時用此理如禪在細參

却病奇方乃避囂遠坊兩板閉蕭條室無歌妓何煩遣鄰有鄉僧不待招

謂借山

石鼎濤生茶正熟銅爐灰陷火潛消雞鳴漏盡人誰覺又聽門前過早朝

叢書三館校讎忙訝許閒情付墨莊樗本不材良匠棄屠非絕技善刀藏冬菹

剩飽園官菜歲賜刪除博士羊轉益從前素餐愧大庖珍膳日分嘗

童時了了記觀河六十三年忽已過眼暗耳聾知老否葛涼裘暖奈身何一帆

去國談何易萬卷無家累亦多愛惜精神圖省事明年兼擬謝詩魔

自題癸未以後詩藁四首

七年供奉入乾清三載編摩在武英兩臂病風雙眼暗枉將實事換虛名

論卷排成手自刪多慚小草落人間迷藏賴有南山霧莫便輕窺豹一斑

橐筆曾經侍兩宮可憐無過亦無功未應奢望儒林傳或脫名於黨部中

拙速工遲任客誇等閒吟徧上林花平生怕拾楊劉唾甘讓西崑號作家

題鄒古愚望日圖小影二首

鄒生真與古爲徒人謂生狂自號愚不戀桑榆收晚景却回巖電向東隅

吾鄉
鷹窠

君如要看搏桑日試上鷹窠萬仞巔只合俯身臨碧海何須仰面望青天

頂東臨大海寅卯
之交於水底見日

歲杪自嘆二首

短景侵尋白髮前歸心歸夢日相牽人間雀鼠工嗤點伴食官倉又一年
天生物性故難齊健水東流弱水西不信羶羊能挂角如今只有觸藩羝

周桐野前輩以隋龍藏寺碑拓本見貽二首

一千二百僧祇劫龍藏今無片瓦遺不有歐陽能集古空勞佛力護殘碑
翠墨椎來體尙全書家名姓惜無傳唐賢風骨依稀似得法歐虞褚薛前

敬業堂詩集卷四十

崇寧文治乘季四十

石

後

學

二

去

天

按

一

一

一

一

敬業堂詩集卷四十一目錄

待放集

韓幹放馬圖次東坡題李伯時所藏韓幹馬七言古詩韻

今年擬不作詩復為友人牽率破戒口占自解

院長湯西厓前輩出示與副相揆公贈答詩索余次和六首

題徐去矜侍御日南種菜圖

癸巳仲春上丁文廟分獻紀事四

首

二月二十日雷雨之後忽復嚴寒枕

後二日雪

後二日雪

恭祝 皇上萬壽詩四首

題石門勞鈞天日邊鼓篋圖二首

山野老人遠來祝 萬壽者以千計目覩盛事紀之以詩

兩後過自怡園看海棠同院長作時余復請假

四月朔大雪

送同年海天植前輩視學雲南

重過封氏園飲矮松下偕綱菴湘芷俠君潤木作

再賦古松疊前韻
從刺藤園步至陶然亭

壽山田石硯屏歌副相揆公屬和
循例請封典有作

自怡園曉起即事呈副相
獨坐紫藤花下

食新筍
放船至因曠洲

乞長假留別院長揆公二首
雨中發自怡園再呈院長
附揆院長作

車中遇修陶菴同年
吳寶崖以西苑龍棚詞百首新刻見

貽兼索題句四首
端陽前二日薄勺庭招諸同年集王

雙園芍藥花下
酬別陶菴同年六首

題宋蘭暉潯陽送客圖
題程蒿亭持竿圖小照

晚香長老六十乞詩
陰雨連綿頗似江南黃梅天氣

送蔣樹存出宰餘慶
乞歸候旨未得成行寓庭雜詩草

花用以遣日吟成四首
次日社集張匠門齋同人皆和余種

花詩再疊前韻四首
題王石谷為張超然畫旌節圖

去夏手植盆榴二本今年一枯一榮有感而作

院長貽嶺南椰子

林鹿原餉武夸茶

木本金銀花十四韻

庭西牽牛子新苗競發喜成十韻

和張日容嘲薛荔二十韻

晚香長老贈桃枝竹杖

同人集棗東書屋分賦二首

汪陞交郡丞屬題負米讀書圖時將

赴任潮州卽以贈別

題故汶州太守潘君畫像

送同年劉大山應 召赴行在三首

畫義

題王石谷山水四首

留別潤木卽次弟送行原韻四首

留別詩社諸同人次張匠門見送原

韻

匠門以瓶蓮十二韻索和次答

題吳寶崖荏山讀書圖卽送其出宰荏平

諸君爲余作桃枝竹杖歌余亦自賦一首

苦熱

題莊書田笠屐探梅圖

仇山村詩翰一卷乙丑秋於竹垞寓齋見之偕故友魏禹平題名其後未幾此卷歸吾鄉高文恪公又二十九年癸巳公之孫礪山攜至京師屬余題句存歿之感愴然于中聊附數言以志歲月

題鄭寒村為魏仿韓畫樓鶴圖二首

題泰州宮氏春雨草堂圖

觀蜘蛛布網

洗象詞五首和顧俠君

題俠君噉荔第二圖

藏經匣歌并序

詠周尊彝十六韻

諸同年釀分錢行于陳秉之寓樓即席留別四首

自怡園二十一詠偕西崖前輩賦呈副相揆公

箕簷塢

雙竹廊

桐華書屋

蒼雪齋

巢山亭

荷塘

北湖

隙光亭

因曠洲

月榭邀

蘆港

柳泚

芡汊

含漪堂

釣魚臺

雙遂堂

南橋

紅藥欄

靜鏡居

朱藤逕

野航

次答廖若村同年贈別原韻二首

送陳秋田赴敘州長寧宰

棗東書屋大雨聯句

題潤木閉門采詩圖

牽牛作花十二韻索匠門諸子和

旬來多雨聞廣寧門外泥深數尺歸期蹭蹬書遣悶懷

寄祝劉蘧菴光祿七十壽

有 詔於金州衛立水師營即以海

賊之新就撫者充其弁伍草野迂儒無從獻末議漫紀十六韻

次和匠門雨中白蓮十二韻

次韻匠門陰雨不止

六月十四夜久雨忽霽小庭涼月如秋五更起坐即事成詠

喜晴次匠門韻二首

院長近以赤藤杖見贈合之前詩意

蓋欲易我畫義也作詩報之

立秋前一夕匠門席上作

立秋疊前韻用唐竇常詩作起句

是日繆湘芷攜酒肴就余寓錢別偕

匠門秀野潤木三疊前韻

次汪紫滄同年見送原韻四首

立秋後三日匠門家集梨園為勝會再邀余入座四疊前韻

道山亭在福州城內宋程公闢為守時所建曾南豐為作記者也歲久傾

圯林子鹿原得其故址將築堂名以瓣香蓋取陳后山向來一瓣香敬

為曾南豐之句屬友人繪圖來索詩

警露軒鶴雛為鹿原賦

題樓敬思夢洗三硯圖二首

次韻奉酬院長西厓前輩贈行之句

附湯院長原作

敬業堂詩集卷四十一

海寧 查慎行 悔餘

待放集 起癸巳正月盡六月

移疾經年遲遲去國恭遇 聖天子萬壽之期既隨班朝賀復申前請又

三閱月始蒙 恩允歸古人以道去國者待放于郊得玦乃去春秋公羊

傳則謂大夫已去三年待放噫毋乃太濡滯乎得玦而去斯可矣

韓幹放馬圖次東坡題李伯時所藏韓幹馬七言古詩韻 圖為同年薄勺庭所藏絹

本無款孫少宰北海題其後謂是韓幹筆

一如鶴啄長鬣垂一如狼顧尾撒絲其一昂頭立而嘶欲前不前耳卓錐眼中

空闊視八極跼步尺咫胡由馳薄言垆者在垆野絡腦且脫黃金羈人間卓樞

或老病天上閑廐誰權奇攻駒考牧兩無預造物一聽相雄雌圍官大得閒放

意數鯨遑問牛何之吁嗟乎隙中過景越千載畫月畫骨空毛皮東川清絲況

寸裂縱復神駿疇能知斯圖即謂曹霸可弟子未必賢于師

今年擬不作詩復為友人牽率破戒口占自解

年來百事多頽廢何必於詩苦用心正爾苦心誰復識堯夫自有打乖吟

院長湯西厓前輩出示與副相揆公贈答詩索余次和六首

皇華候騎走駢駢万里還 朝倡和新何物堪持比詩境冰壺玉鑑兩無塵

好士重聞六館開中間一館是翹材春風入座人人愛只待先生下直回

第七車中博物餘承明顧問在星廬不知三篋三倉外可有平生未見書

白楊巷與青楊巷多少車前騶唱聲何似神仙雙學士對騎官馬出郊行

時揆公以

副相兼掌院故得並稱學士

文壇宿望與資深吟徧西垣又苑林三十年來同調盡却從少和識孤音

後漢書孔

融傳贊越俗易驚孤音少和

翩翩和鳴屬兩公卷阿風入雅音中枯桐入爨還邀賞草木終憐臭味同

題徐去矜侍御日南種菜圖

不費園官送渾疑老圃家苗民分七箸童子劬煙霞飽喫三年菜閒看四季花

還 朝無俗物堪作畫圖誇

癸巳仲春上丁 文廟分獻紀事四首

森森老檜上參天路入橋門氣肅然齋宿忝隨丞相後先一日隨太倉相趨踰國省牲閱祭品

獲在聖人前元音唱歎餘琴瑟古器駢羅識几筵兩度春秋遞分獻一門兄弟

儼差肩去秋丁祭家第嗣

鷺縷翟羽互飛翔樂舞同時綴兩行道在羹牆榮北面禮成盥薦屬東廂千秋

世裔綿吳國言子舊封吳侯其裔孫十哲新躋列紫陽朱子去春躋十哲配享廟堂以上兩賢余分獻

之位到此始知儒者貴遙遙今古幾升堂

自堂徂庶又趨階升降循環往復迴想像軒懸非一代摩挲石鼓已三回二年前

為博士弟子頭銜分去聲出資郎下班次猶煩博士陪宋祥符中孫奭上言釋奠

十年前釋褐獻新禮以三公近歲止命獻官三員兼押請備差太尉太常光祿卿三獻詔可

今至聖前則大學士行禮十哲分獻用翰林資深者二員本監監丞博士二員猶隨分獻官後蓋參絕勝詼諧飢曼倩殿庭割肉早歸來

題名釋褐幾何時衰至人嫌拜起遲奠學時余拜起稍遲以致敬位定瞽宗寧

敢讓致齋所序坐分獻官在太常卿之上事關籩豆豈無司明朝尚舉分膳禮他日誰陳齒冑儀

白首詞臣稽掌故 盛朝文物古為師

二月二十日雷雨之後忽復嚴寒枕上口占

老子慵貪臥家童起報晴朝來冰復合昨夜蟄初驚寒暖渾難定陰陽動必爭
庭花經手種榮悴也關情

後二日雪

欣欣逢歲閏靄靄及春陽早是經雷雨如何更雪霜天心寧好殺物性自多傷

草木如知候勾尖幸宛藏出史記律書

恭祝

皇上萬壽詩四章

鳳紀龍飛五十年周天景運正中天衆星拱極雲霄上萬國瞻光日月前難老
祥徵 仁者壽誕生 聖在佛之先欲知 帝力占吐俗擊壤吹豳徧八埏

爐香馥馥護 楓宸花甲循環曆象新 玉燭萬年三月節 鴻鈞一氣四時

春闈門 典曠收羣士 錫福疇多及庶民黎老祝 釐還自賀兒孫同作太平人

厚澤深仁物霑算從動植到飛潛日暄風動 恩威並 秉鉞垂衣創守兼
久運 乾行神倍王 屢辭尊號德彌謙太和宇宙無疆慶長願春隨閏歲添
極盛 皇猷冠古今無涯 聖學仰高深已隆咸五登三業猶厪 堯咨舜傲
心 天大固知難繪畫人歡爭欲效謳吟小臣拜手情尤切十載蒙 恩在禁
林

題石門勞鈞天日邊鼓篋圖二首

文賦行當擬陸機

鈞天年甫二十故
引用少陵詩中事

暫從鼓篋別庭闈同朝幾輩來相問五十

年前父執稀

尊甫中丞公甲辰進
士至是恰五十年

過庭家學本傳詩都講風流又一時三百諸生多避席愛聽匡說解人頤

山野老人遠來祝 萬壽者以千計目覩盛事紀之以詩

長世人多壽親承異數加使年踰甲子問俗及桑麻跪進觴 停輦歸簪帽有

花賜醑還賜杖好向後生誇

兩後過自怡園看海棠同院長作時余復請假

不記名園裏攀芳醉幾回偶逢新雨過又報海棠開此地嗟春晚當時見手栽
勿辭燒燭看爲是別花來

香山詩七十三翁難再到今春來是別花來

四月朔大雪

大雪灑庭柯春光九十過急催花落盡亂雜絮飛多燕壘融還凍鶯吭噤不歌
紛紛蜂與蝶爭奈苦寒何

送同年海天植前輩視學雲南

八千餘里皇華使二十多年侍從臣館閣文章天上草門牆桃李日南春先聲
到處苗風變公道傳來士氣伸儘讓同官開府去好持冰鑑答楓宸

重過封氏園飲矮松下偕綱菴湘芷俠君潤木作

刺蘼花外矮松前指點遊蹤廿四年枝亞平行妨翠鬣杖端摩頂透青天與誰
作伴人先老閱世如流我獨憐賣却朝衫充一醉免教歸欠酒家錢

再賦古松疊前韻

時聞松子落吾前小住方知日似年
草色展開三丈地濤聲捲起四垂天
最宜物外閑相賞久在人間絕可憐
莫道如龍難畫得真龍又值幾多錢

時潤木畫墨松旁觀

有譽樹為龍者故戲及之

從刺藤園步至陶然亭

未覺年衰腰脚頑意行隨步有躋攀
兩餘天氣清和候城角人家墟墓間
柏子庭空移白日菽苗水涸轉蒼灣
此來直與孤亭別貪得憑欄一晌閒

壽山田石硯屏歌副相揆公屬和

吾聞陽精之純韞為璞白者曰璧黃者琮兼斯二美乃在石天遣瓊寶生閩中
壽山山前石戶農力田世世兼養蜂採花釀蜜自何代金漿玉髓相交融深埋
土肉久成骨亦如虎魄結自千年松想當欲出未出時其氣貫斗如烟虹地示
愛寶惜不得飛上君家几硯為屏風質良材富肌理豐廣袤徑尺加磨礱銀河
中傾灑瀲水灌頂倒擢崔嵬峯寒光通透月兩面高勢噴涌雲千重長檠夜燒

燭焰紅表裏映徹疑中空風林片石非爾比况許下巖劣品矜芙蓉朝來得句
傳詩筒語雖紀實工形容平生嗜好一無癖而此特為情愛鍾吁嗟乎人間尤
物蓋不乏目所未覩誰能窮公今獲石石遇公無心之合欣遭逢深山邃谷只
作几硯視要使天下稱良工

循例請封典有作

勲封有例徧簪裾院吏傳宣到敝廬一榻春生衰病後 九重恩逮罷官初絕

無功狀虛糜祿自寫年勞削勘書慚愧初階叨進級枉將章服混樵漁

自怡園曉起即事呈副相

朝來雲出岫昨日雨鳴溪杏子落如豆楊花膠作泥新巢看燕乳舊耳聽鶯啼

去年四月公有曉起聞鶯詩屬和 詩境從閒得何須苦覓題

獨坐紫藤花下

俗客何由到但聞蜂蝶喧低枝如見就長穗不勝繁稍重雨欹架忽飛風滿園

冗員無處著 東坡詩冗士無處著寄身范公園 來借紫花墩

食新筍

朔野無修竹名園擅辟疆舊皮留虎豹

昌黎筍詩看皮虎豹存

新角茁牛羊淪取庖廚潔

饒生七筍香一餐真過分

梅聖俞謝韓持國貽筍詩今年得此謂過分

不似在他鄉

放船至因曠洲

露氣煙光潑眼青蒹葭影裏見孤亭藕梢過港又生葉柳絮逐波多化萍鶯語忽流何處去漁歌合向此間聽老夫大有江湖與肯讓閒鷗占一汀

乞長假留別院長揆公二首

北道嚴裝日

院長將扈蹕赴口外

西窗翦燭時兩心多戀戀分手故遲遲款曲行藏計纏

綿倡和詩桑榆收已晚後會恐難期

示疾非無疾藏名亦有名難窮惟佛理易足是官情聚散人誰免蹉跎我此行半生知己分投老荷相成

雨中發自怡園再呈院長

迴思風雨追隨地多在園居少在城草木因公皆可敬

東坡詩醉翁行樂處草木皆可敬禽魚

與我豈無情編年集換新題目署尾牋留舊姓名從此高吟應寡和更無人繼
老門生

附
院長作

揆
敘

一醉筵前各異程迢遙沙塞與江城欲攀征蓋終無計苦挽歸航似不情風
雨每思償宿願亭臺還請署新名從今裂帛湖邊月長照離人白髮生

車中遇修陶菴同年

三年不見故人詩一笑多成世外期君自愛閒求退早我方移疾得歸遲萍蹤
浮海相逢地柳絮隨風欲散時莫怪下車還久立老來光景怕臨歧

吳寶崖以西苑龍棚詞百首新刻見貽兼索題句四首

朝為百賦暮千詩敏捷曾聞崔立之何似吳郎新樂府一時紙價貴京師
好譜新聲付樂工半參商調半參宮二千八百驪龍顛併入歌珠一串中
員嶠方壺咫尺移太平景物萬年期丹青繪出殊難肖輸與文人絕妙詞

時少
司馬

宋堅齋奉
旨繪圖

他人才少爾才多，理筆差堪上馭娑。可惜得官偏落第，不曾名占百篇科。

端陽前二日薄勺庭招諸同年集王園芍藥花下

綠陰十里豐臺路，來趁名園芍藥期。良會轉憐經歲少，自去年以來久不舉同年之會好花偏

愛。閨年遲江郎一夢，才輸錦小杜三生。髻有絲珍重故人尊，酒意將歸時節詠

將離

酬別陶菴同年六首

出門袞袞怕風塵，見面睽違動隔春。形跡校疎情校密，可知俱是嬾朝人。

入同珥筆出隨，鑿幾載辛勤共跨鞍。今日車中思馬上，皇恩直似五湖寬。

歸期已是一年淹，辭祿能無缺乏嫌。慚愧故人親致贐，拜嘉祇恐或傷廉。

河梁錄別意如何，真有長歌續短歌。不待吾言君自信，傳人一代本無多。

段家橋外木蘭舟，唱和曾同扈蹕遊。却與歸人添別恨，獨吟怕上望湖樓。

君才畢竟爲時用，我老長甘與世辭。王右軍有辭世帖聚散升沈渾細事，人生難得兩

相知

題宋蘭暉潯陽送客圖

聊借琵琶寓苦吟多緣淪落望知音後來信有商人婦直被香山賺到今

題程蒿亭持竿圖小照

已遮西日向長安尙想臨流把一竿寄語能詩侯叔近求魚沮洳古來難

晚香長老六十乞詩

紅椒上人年六十世壽從頭數甲乙朝來隱几夢青山過我殷勤約歸日我今
面皺眼昏花師亦瘦如枯木查童時觀性依然在同閱恆河無算沙

陰雨連綿頗似江南黃梅天氣

乍陰乍晴鳩斂巢半濕半乾蚓出土南中五月熟梅天北地應呼杏子雨

送蔣樹存出宰餘慶

憶昨領書局羣英集金鑾蔣生預校讐臭味吾芝蘭趨階或聯步會食恆同餐
六時數晨夕三歲離暑寒書成上御覽名姓列簡端聚散夫何常如沙孰能
搏同儕三十輩一一爭彈冠我已病乞身子行方得官不以出處易儼然平生

歡叩我蓬華門送迎諒蹒跚谷風有遺棄責善人情難古義胡足論世途良可
歎子今又遠別迢遞赴花蠻黔俗我所諳雁戶雜猴狔陰多晴日少霧氣昏漫
漫長吏雖難爲苗民豈真頑寶輸況無幾期會務使寬訟簡案牘稀地遐心跡
閒時時弄筆墨哦詠于其間亦足以自娛因之報平安好音望頻惠綿邈非關
山

乞歸候 旨未得成行寓庭雜蒔草花用以遣日吟成四首

歸心一以動如馬渴思騁乃復繫維之動中反吾靜于焉寓草木幽事閒稍領
旣栽須有漑生理視俄頃未免擾隣家朝朝汲甘井

瓦盆列羣卉紅白非一種經旬排比開含意似矜寵閱人成旦暮偷負力何勇
取咲桐柏材十年方把拱

開亦勿德爾謝亦勿怨風榮枯兩適然了不關化工化工倘徇物毋乃與物同
所以老子懷癡頑若孩童

京師看花人汲汲需代匱主少十日情市多三倍利方從擔頭買旋向牆角棄

不念花有根初爲悅目地賞新宜置舊何用發深喟

次日社集張匠門齋同人皆和余種花詩再疊前韻四首

平生數交遊湖海浪馳騁邇來嗜好別取友亦取靜與君隣巷居跬步煩引領
闊疎輒累月會合或食頃一咲兩心同無波如古井

君鬚尙鬢鬢我髮已種種引諸同調末推許荷光寵栽花坐無繆決去愧不勇
焉能久鬱鬱而待宰木拱

草木茁苕穎好詩來清風中有元氣存豈謂屬和工羣公富揮灑下筆無雷同
挹彼山下泉爲余發蒙童

造物閱古今生生本無匱何論材不材固有利不利晚容桑榆補蚤恐牙蘗棄
願將種花心移作樹人地毋使後來者仍滋慨然喟

題王石谷爲張超然畫旌節圖

王畫此圖九年始成

張母早喪夫張子幼無父却將歿後榮報答生前苦有鹿不觸墳上松有鼠不
穿墳中土天生異類猶多感孰謂人情不如古王君作畫踰九年此事此圖皆

足傳我詩豈獨稱子孝亦使後來知母賢

去夏手植盆榴二本今年一枯一榮有感而作

庭下兩盆榴經春謂已萎其一兩忽生病夫眼雙洗枝端抽綠葉葉底粲紅蕊
蕊綻復吐花花殘旋結子依然還舊觀去聲慰我岑寂裏生存日向榮死者為薪
矣有情兼弔賀感歎為賦此

院長貽嶺南椰子

椰子產番禺瓠垂大如斗其皮堅以鞞既剝且難剖誰致越王頭

齊民要術云椰子其俗謂

之越王頭不脛而北走微凹陷兩目鑿竅通一口轉側初有聲俄傾半升酒

東坡椰子冠詩

半升僅瀧淵明酒

閒吟出既醉義愧餉師友

梅聖俞謝李獻甫餉椰子詩我獨愧先生饜致崇師友

林鹿原餉武夸茶

頭綱拜賜吾何有細色徒聞馬上誇何法商量好消渴都籃分得大窠茶

梅聖俞新

茶詩大窠有壯液所發必奇類

木本金銀花十四韻

本是沿籬蔓今成傍砌栽瘦根形促縮短梗狀堆厖鳥爪拳筋立蛇皮換骨來
忍冬經凜烈入夏應恢台長乳層層發幽花對對開雛鶯飛閃爍小鶴舞蹁跹
蝶粉悠揚墜蜂鬚颯豔迴金銀分老穉黃白變胚胎最好清含露尤宜薄戰雷
痛須芟冗葉惜勿翦條枚就影移書案留香泛酒杯資生無祕術入藥卽良材
病檢醫方熟閒從物性推不貪能識氣衆眼漫相猜

庭西牽牛子新苗競發喜成十韻

手種牽牛子根株粒粒成勾尖看乍破兩葉喜先萌驗長論分寸爲時閱晦明
立苗防細弱插竹與扶檠遂有纏綿意偏多附麗情疾風從偃仰猛雨賴支撐
地力隨肥瘠天機示發生幾時花逞豔連日蔓交縈寓目聊充玩消閒亦強名
料他秋爛熳我已赴歸程

和張日容嘲薜荔二十韻

薜荔爾何物纖微孰比方胡然纏宇下只合繚崖旁跂跂工緣壁離離巧繫牆
性因柔善附地以瘠爲良松柏寧勞施絲蘿故自張龍鱗移不易

宋史李彥發物供奉大類

朱勔如龍鱗薛荔一本蛇蚶斷無傷及見縈根密俄驚引蔓狂嫩莖繩絞繳大葉

羽披猖山鬼依棲暗佛典呼餓鬼為薛荔湘君結託荒罔帷憐屈宋九歌罔薛荔而為帷靡席吟班

揚甘泉賦靡薛荔而為席雜蕙紉為佩輪荷緝作裳寒枝頻颭影貫蕊罕聞香離騷貫薛荔之落葉

好補青藤援休侵白玉堂移文累芳杜北山移文豈可使芳杜厚顏薛荔蒙恥作賦混蓀萋張衡南都

賦草則薛荔蕙若薇蕪蓀萋誰遣臨書幌兼能罩筆牀有時經雨潤逐日領風涼梢自隣家

放陰留夏景長卷簾交竹翠曳杖點苔蒼大抵詩騷意多從諷諭將勿嗤吟小

草中有好篇章

晚香長老贈桃枝竹杖

六尺桃枝杖將歸荷見投健添居士足高出老僧頭與鶴誰先到為龍寧久留

撥開塵土窟遲爾入山遊

同人集棗東書屋分賦二首

春偷桃杏妍夏竊芙蓉豔秋榮雜桂菊冬至亦時斂樂子之無知多將四時占

月季花

小小黃金花媚人如自獻聊陪今日賞適我他方願衆醉敢獨醒不勞持盞勸

金盞花

汪陞交郡丞屬題負米讀書圖時將赴任潮州卽以贈別

汪子客京華氣豪心悒快高堂有母在恆結白雲想皇天憐斯人得舉甫一上
南宮輒唱第盛事快探掌早知給舍官不及州邑長題輿行佐郡得祿猶逮養
潮海萬里程翩然捧檄往過家拜白髮喜氣春盎盎却憶負米時悲喜異今曩
平生讀書力篝火依績紡食報理必然問言受如響丹青非苟設風義行可廣
題作贈行篇披圖愜神賞

題故汶州太守潘君畫像

士當未遇時往往慕好爵及乎嬰世網又想田園樂田園豈不好世網多被牽
興罷乃徑歸斯人得非仙廿年客京洛未識斯人面山光竹影中髣髴如相見

送同年劉大山應 召赴行在三首

且喜南冠不到頭復趨幄殿侍 宸旒恩威天大殊難測去住身孤可自由沙

澗草香知麝過林
蹊月黑見螢流
識途老馬今閒放
歷歷從君話舊遊

行行莫慮出關遙
司馬臺東景色饒
禾黍連塍無棄地
松杉夾岸有浮橋
霜收野果丹砂實
雨翦山蔬翡翠苗
一段閒情知不乏
也應問答到漁樵

弱羽迴翔又一時
鍛禽來拂鳳皇池
重回蓬島游仙夢
別擬山莊應制詩
眼

望青冥行得路心憂
白髮見無期
臨岐直是難爲別
二十年來兩故知

畫義

我有古玉器裹諸片
青氈炯如一鉤月
映出初三天
纖纖銳兩頭
弓勢未扣弦
下連徑寸靶中窾
外規圓愛惜徒手摩
致用無由緣
昨得桃竹杖
肌理細且堅
命工稍斲削
冠玉于其顛
呼之曰畫義
古製想當然
東坡昔居黃
剩有掛壁錢
持義日取百月費
猶三千我今已鐫俸
仰屋方高眠
夫豈有餘資
貫穿梁上懸
義成等無用
一笑仍棄捐
何如刻作鳩
扶我歸農田

題王石谷山水四首

浮嵐暖翠望重重
幾道清泉出古松
知有僧樓尋不到
似聞一杵隔雲鐘

水匯山環去復回林端無徑不梯苔石梁果與天台接可許人間肉馬來

想當潑墨目無前輩巨源流却井然天下溪山皆粉本空中結構是雲煙

朱瑤晚輩今多少真蹟尤須愛惜看見說山人年八十白頭重畫此圖難

留別潤木即次第送行原韻四首

誰能問舍更求田車自今懸室早懸久病我忘官爵好同朝人羨弟兄賢魚隨

水退先歸壑鴈逐雲飛尚各天時德尹嶺南未歸若是登真須拔宅良常何敢獨為仙

幾夜連床聽雨聲却教離恨此中生貧思飽煖原奇福老戀桑榆亦至情出處

多岐非意料去留無累稍身輕只愁五十平頭客婚宦何時了弟今年五十矣向平

指點林廬眺望賒曉隨門鵲暮棲鴉桐為先世成陰樹池上梧桐先君子手植二十年前已合抱宋

人稱韓子華兄弟為桐樹韓家桂是吾家及第花吾家廳事前銀桂五株自癸酉以來每逢科

先兆歷屋後籬疎須補竹牆西地瘠想宜茶得歸已乏躬耕力種植書中課有

加

事兄慚愧竟如師至性怡怡實在斯何日始酬借隱願向人羞乞買山資夢餘

得句憐靈運膝下成名愛阿宜

杜牧與姪阿宜詩連年掇科第若摘領下髭時五姪克紹新舉京兆故云然

此外升

沈皆分定吾言雖淺要尋思

留別詩社諸同人次張匠門見送原韻

去住何關此一官衰年只別友朋難烟霄過眼看如霧草木論心臭比蘭身在

夢中誰獨覺事當局外每長歎是間著我初無謂獅子林中一野干

禪宗語錄有野干隨

逐獅子終不成獅之語

白頭白盡想巢南早署菴名未有菴朝跡已收雙屐在歸裝猶累一僮擔高僧

瓶鉢原初約老圃桑麻豈腐談多謝故交頻戀別尙容諧謔互相參

匠門以瓶蓮十二韻索和次答

脈脈凌波質朝來帶露攜出蚌看蕊綻照眼得花齊長養仍資水清幽更洗泥
略教分向背初不競高低欲語殊多態何愁自少啼豔將同洛浦愛豈獨濂溪
有客尋池上無魚戲葉西依稀能忍咲綽約好防迷顧影移秋蝶分香夢夕鷺
暑颺迎澹澹涼雨避淒淒立傍屏風鷺談親塵尾犀涉江吾擬采先與報箋題

題吳寶崖在山讀書圖卽送其出宰荏平

無事飲犀首亡何飲袁絲飲之爲功固不細阮能罷哭陶忘飢張芝李白大暢
此中趣可以狂草可以詩逃名混跡靡不取獨於從宦非其宜何況邑宰寄民
社設遇煩劇尤難爲吾黨吳生性耽酒其人磊砢而英奇今將行作吏得縣古
名在有山袞袞東南陲有水雪雪西北馳中間曠衍百餘里廚傳四走當衝達
似聞齊俗夙健訟邦治邦法難兼施書生習氣要一變嗜好勿使旁人窺仕而
優則學二者恆相資公餘讀書良有味絕勝千鍾百榼痛飲誇淋漓勸君可止
則徑止未能遽止請損之贈行實關朋友義吾言雖戲庶可以箴規

諸君爲余作桃枝竹杖歌余亦自賦一首

勞不得及奔馬逸不得乘安車飛不能羣衆鳥游不能隊潛魚無端人趨我亦
趨倉卒一蹶誰當扶七尺之杖六尺軀 聖恩寬大容田廬歸與歸與吾與爾
俱杖國雖不足杖鄉已有餘

苦熱

不辭河朔飲酷暑竟難逃高屋同炊甑輕袷劇緼袍石欄乾迸火松柱液流膏
嗟爾巢棲者多應厭羽毛

題莊書田笠屐探梅圖

杜家亦有笠謝家亦有屐何必眉山翁區區擬其跡身挾冰雪骨胸貯冰雪文
但遇梅花開入山尋白雲白雲舊在題詩處畫裏溪山能久住君今笠屐且閒
拋借與歸人作遊具

仇山村詩翰一卷乙丑秋於竹垞寓齋見之偕故友魏禹平題名其後
未幾此卷歸吾鄉高文恪公又二十九年癸巳公之孫礪山攜至京師
屬余題句存歿之感愴然于中聊附數言以志歲月

四百餘年翰墨新流傳重是宋遺民論詩正爾空當代展卷渾如遇故人世閱
古今雙轉燭事關存歿一傷神先公手澤依然在肯使桓廚贖亂真

題鄭寒村爲魏仿韓畫棲鶴圖二首

鳧雛鴈子影參差遶羽羣窺浴鳳池爭及寥天秋一鶴巢松獨占舊高枝

攜將鄭老一幅畫來索查田七字題我是人間退飛鷁相逢只愛說巖棲

題泰州宮氏春雨草堂圖

于野去山遙環城爲水匯草堂築其上春雨名猶在老木皆十圍湖黿兀礮磊
問君今幾世物色舊無改正賴後多賢畫圖益精采鯉魴富罩汕蝦蜆蕃菹醢
樵去唱烏鹽漁來歌欵乃路迷葭茨岸舟出蒲蓮海我欲溯洄從蒼蒼隔煙靄

觀蜘蛛布網

小童持竹竿簷角除蛛絲既除旋復吐日事經營爲爾網密以張爾腹恆苦飢
羽蟲投一目所獲良已微並生天壤間動者羅禍機兩皆置得失且復吟吾詩

洗象詞五首和顧俠君

畫鼓聲中緩步來紅旗影裏撇波開都人六月汗如濯慣是一年看一回
俸料新加例有無尋常已飽大官芻被他三品閒鷗咲出沒成羣聽象奴

兩齒齶然臂聳然老于槽檻浴于川就中云有前朝者曾見 天家破賊年

相傳

李自成僭號登極時象有流涕者入本朝馴服如故

珍做宋版印

角壯浮深去復迴舊鞍重與拂炎埃也應三日同休沐辛苦終年立仗來
衆裏觀場老比丘粗從三喻識沈浮兔迹馬跡紛紛渡徹底輸他是截流

題俠君噉荔第二圖

醴泉甘露吾不知人間絕品惟荔支惜哉遠落閩粵徼爲候又與煩蒸期四月
則太早七月則太遲佳者熟當小暑時闌風伏雨交紛披炎官火傘赫赫曦養
成姑射仙山肌冰丸雪片不受嚼化作涼液沁入人心脾我昔遊閩遇歲稔日
噉四百五十顆有奇爾來喉吻久枯澀北果厭摘頻婆梨故人蜜漬或遠致四
三五枚蒙見貽色香味三了無取但覺一甘入頰膠如飴十年夢寐西禪枝仙
蹤縹緲胡可追顧侯好事乃過我閩產粵產兼嘗之初嘗得火山名雖曰荔格
實卑繼而得挂綠漸入佳境方稱奇生綃半幅寫不足擬再乞書還徵詩今君
已爲一組縻畫餅說食徒爾爲我歸大作口腹想嶺嶠雖遠不過天南垂鷓鴣
孔翠成羣飛老夫與發神與馳齒牙缺落舌尚在清泉涌穴藪藪先流頤

藏經匣歌

并序

匣漆皮為之無縫不可開相傳古羅漢寫藏經錮其中長三寸許闊二寸許厚不盈寸正面畫佛像一尊背及四旁俱有梵書西域喇嘛僅識其半云此大西天字也彼中奉為法寶流入中國者七部四部藏匣內三部藏佛腹中好事者啟視壞其一今在人間者尚有六部此其一也佩之水火盜賊不能傷翹翹魑魅不能害云中州李庶常牟山出以見示成長短句

一章

毘勒最初藏三百餘方言後人憶誦少從簡刪其繁餘存三十八万四千字梵

夾秘在菴羅園

大論云毗勒藏有三百二十万言佛在世時所造後人憶誦力少不能廣誦撰為三十八万四千言

四十二章經

流入震旦同河源六朝南北洎唐代高僧輩出如雲屯兩伊合新舊

西方有新舊兩伊潛

此土之篆隸

悉本經義為譯翻後來廣增律論部與經為輔傳仍昆白馬詎勝馱劫

火安能燔云誰收入方寸篋三藏奚翅千千番相傳阿羅漢恐是須陀洹手摹

梵天書流布于九垓中國凡七部一部已壞其六存六部之中此其一佩此可

以安神魂洵若彼所云西江一口何難吞吾聞釋迦教率以譬喻論有如須彌

山納一芥子大海水吸玻黎盆細入無縫大則包乾坤撮搏寶掌成脰渾世人
自昧真實諦暗鎖白日長昏昏疑者以爲無空諸所有胡得焉信者以爲有實
諸所無非本元語言文字互膠擾證入不二于何門安得霹靂手稽首兩足尊
鑿開真函破妄見是則名爲報佛恩

詠周尊彝十六韻

形方而墮兩耳四足中有古篆魯公
作文王尊彝七字無銘詞歲月可考

三代多銘識圖從博古援世惟金石壽今覺鼎鐘繁

庚子山文公侯
復始鼎鐘逾繁

此物傳周

器何時入國門問名充象著索價重瑤琨魯國年無紀姬公典幸存啓封從聖

子近裔屬文孫大祀新宮煥東藩古制敦

少陵詩宗
卿古制敦

百籩偕簠簋五獻設彝樽

螭虎形差肖夔踞勢若蹲比劔安足穩似隔取脣反

叶平

聳環堪貫中虛腹可

捫規模因樸著容受以升論黯黹苔封色依稀土蝕痕俯將輕漢爵前欲媿商

尊俗已無精鑒評難定一言會逢歐趙輩重與考淵源

諸同年釀分錢行于陳秉之寓樓卽席留別四首

來迎華蓋出朱輪九陌炎歊万斛塵慚愧曲江諸舊好綠槐陰下錢歸人

有約難隨座主行

許座師于一月前南歸
余乞假之旨未下

秋風漸老碧芹羹濟時心力輸公等

只好江東作步兵

鸚鵡隊裏一沙鷗飲啄曾同十載遊今日分飛憐隻影煙波滿眼又回頭

戶小先拚入醉鄉解衣盤礴自生涼定知此後同年會故態猶能記老狂

自怡園二十一詠偕西厓前輩賦呈副相揆公

箕營塢

游人裾上塵馬跡門前路一徑轉琅玕蒼然三里霧

雙竹廊

七松少傅宅五柳徵君屋輸此十步廊天生兩竿竹

洞華書屋

亭亭百尺枝下蔭一欄翠童子正開門桐花風滿地

蒼雪齋

碧玉方開籜量成六寸圍濯枝多雨露新粉欲沾衣

巢山亭

遠移三疊屏突兀凌空起勢壓小亭低前臨一潭水

荷塘

記得初移藕田田貼水荷香風隨櫂遠花枝去年多

北湖

放眼際遙碧近身葉似舟鴛鴦最相戀驚起却回頭

隙光亭

一片平頗黎穿林光瑣碎閣欄如鳥巢隱隱柴其內

因曠洲

洲勢極空曠旁分幾派江因添方丈室面面與開窗

邀月榭

月出東皎皎月落西茫茫有時夜無月倒影搖湖光

蘆港

春漲今年足蘆根上岸生人間正炎熱物外已秋聲

柳汜

千株万株柳夾浦濃于黛忽度一聲鶯濛濛烟雨外

芡汜

芡是吾鄉實充盤憶水羞羨君池汜上兩處種雞頭

院長城居在
雞頭池上

含漪堂

涼從何處來適與披襟遇風過水微波于中得佳句

釣魚臺

璜溪坐姜叟濠上遊莊周果若知魚樂不妨施直鉤

雙遂堂

心跡既雙清宦遊亦雙遂一事勝香山公頭白猶未

南橋

兩厓石齒齒一壑流濺濺橋北與橋南仙凡此分界

紅藥欄

手自栽紅藥旋開穩重花禁中吟未足歸到日西斜

靜鏡居

先生靜多妙跡顯心逾靜借問祖師禪無塵安有鏡

朱藤逕

十萬寶瓔珞舉頭迷下上好咲王君夫紫絲開步障

野航

野趣隨所寓陸居同水宿偶以舫名齋已忘舟是屋

次答廖若村同年贈別原韻二首

六人三載同書局出入羣聯鴈一行

武英殿編輯韻府余與若村吳山掄宋山言汪紫滄錢亮功六人皆癸未同年也

自比蟲魚辭蠹簡忽投珠玉滿奚囊感深紈扇秋風篋夢散宮衣舊日香敢對

離筵論後會直緣情重不辭觴

此身無用且分飛却望晨霞阻夕霏竹簟暑風攜枕去蘆塘秋雨待船歸長留

異日心期在莫謂同門出處非李頎詩在昔同門友如今出處非好片柳湖烟水色願隨老鶴

息塵機尊公先生余癸酉同年聞尙有彈冠之興故云

送陳秋田赴敘州長寧宰

鉤棧連雲幾百盤漏天南去尙漫漫一身多累無長策万里巖程似左官小邑

攜家須約俸故人臨別勸加餐輿圖盡處江山麗只作當時荔浦看君前任荔浦自言山

水極佳

棗東書屋大雨聯句

炎歊釀昏夢猛雨發疲曳郭雙村補天潛女媧射日恣后羿宮怒堂銀界指河傾畢

躔知月離潤木三光乍弛職九野悉蒙翳顧秀野陰陽兩相賊水火時爲帝得非崑

崙囚倏受顛項制悔餘暑路舞商羊朱波騰黑蜮繆湘芷酣麀鉅鹿戰奮助昆陽勢

汪退谷電母掣礮禪雷公拔精銳張匠門蛟螭牙爪活虎豹股栗斃急點繩脚粗密

飛絲縷細郭簷垂匹練下庭漲立談際宮奔渾赴溝渠森莽連埤堦森森竹箭

直滾滾浮漚繼潤木大麓易以迷繁星恐不繫顧巢飢有烏啄葉啞無蜩噓是處

長蓬蒿何人理蓀蕙汪羣淹窘跂息烝涉愁厲揭繆入市稟盪舟行泥禹乘橈

汪車輕難就熟馬怯失奔隄張滑澆喜兒童沾濡憐僕隸郭盆荷卸浮瓣林果

脫危蒂宮青沈兔目槐翠刷龍鱗潤柳腰任自誇葵足寧煩衛顧醜石苔髮

披枯槎菌釘贅悔鸛鳴蟻封徙蚓弔蛙坎瘞繆陰穴咽暗啼高翹惜華毳汪鷹

鷗尚屈猛燕雀盍少憩張万里規郊畿八挺首幽薊郭遙傳地欲浮仰視天方

憺宮涔涔衝塞去岌岌排牆逮富粟慳賣珠貧薪劇剝桂潤木西北正愁霖東南

想連啜顧金隄傲楫帚薄產關種藝或者太浸淫將毋成滲沱可無魚鱉患且

免蝻蝗蔽農占覲有秋王省實惟歲悔丞相調玉燭繆至尊執寶契繆旱澇互

乘除豐凶恆酌劑汪吾曹復何事良會況有例張雖非酒為池幸以瓦為袂郭

居人宅如泛過客駕頻稅宮何勞禁足方自頌安心偈潤木詩社得陶潛飲徒偕

蔣濟顧遠坊輪蹄散深坐吟箋遞借驢罷朝謁屣屐寡參詣宴樂需雲宜括囊

坤象閉防虞沈竈事倉卒移床計悔零瀝似啁晰傾倒敵懷悞繆閑齋一喧寂

浮俗等塵壇汪盤餐省癡蠅牆壁剝牡蠣張嗟我孤影形愛君好兄弟束帶已

發狂解衣復成噫筵攜吹月瑄袖挾掃雲簪索醉來已遲忘機止或泥郭流連

永今夕唾涕棄一切從教清漏移莫問明星曙刻殘三寸燭哦出五言製手寫

類蠶眠口占非獺祭潤木摧頽興易盡爛熳詞多綴瞥眼過氛烟倒頭成夢寐去

將荷蓑笠歸及鼓舟柁老翁何所求却立望秋霽悔餘

題潤木閉門采詩圖

子初傲居槐樹街尋常兩板何曾開開門偶為買花出一月上市凡三回長椿

寺前紅紫街木本價昂草本賤買其賤者兼取多意在閉門觀物變煌煌自昔

帝王都眼中變幻何所無無情草木有榮悴况此假合成形軀色塵未透初禪

界昨者采詩今采畫坐消光景向閒曹何日粗償焚券債故園松菊荒荆榛花

間夢斷如隔晨當時看爾年最少已是半百平頭人我今念念成枯槁輸爾圖

中顏色好遲留且耐十年官六十歸來未為老

牽牛作花十二韻索匠門諸子和

過雨簾櫳潤徵涼院落幽老翁開咲口小草拆花頭各自雙星得時將大火流

若非經閏月已是報初秋綽有含風態其如見日愁霞朝房早斂露夕蕊重抽
續續如相替匆匆可自由及時催絡緯連類况蜉蝣豔極那能久嬌多孰比柔
且依行藥徑勿傍曝衣樓急景何顏駐餘光瞥眼休似憐歸日近作計與勾留
旬來多雨聞廣寧門外泥深數尺歸期蹭蹬書遣悶懷

天行當溽暑水勢汨郊原歸計尙難料世途安可論投床聽暗雨倚杖望初暎

賴有同心友衝泥一扣門

匠門單
騎見過

寄祝劉蘧菴光祿七十壽

我昔皖上遊過君之里第南陵好山水風俗古不替君時已掛冠鄭重敦夙契
開園設几席話舊接襟袂次第見諸郎森森盡蘭桂一別十八年回頭如隔世
聞君今七十精采溢顏際室有參語賢齊眉正同歲全家多道氣此福天所畀
養壽得奇方烟霞閱清閱假如在高位已合懸車例何似白樂天林泉早爲計
有 詔於金州衛立水師營卽以海賊之新就撫者充其弁伍草野迂

儒無從獻末議漫紀十六韻

詔設金州戍今為要害城水軍嚴約束海寇戢縱橫控險非榆塞分屯異柳營
渠魁推作帥丁壯籍為兵甫脫檻車困還加鞶帶榮戰船齊魯給餽餉薊遼并
賞罪 恩良厚優降事不輕波濤通外國帶礪近陪京欲以招餘黨因之息遠
征 睿謀虛聽受廷議集公卿實藉綢繆計俄聞贊畫成聚蛇為窟穴圈虎傍
茨荆鷹眼終難化狠心故自寧徙戎宜有論賞賊似無名世孰防牙蘖人方恃
太平區區誠過慮唉爾一鰕生

次和匠門雨中白蓮十二韻

玉井如船藕移來是白蓮花開元澹澹雨洗更娟娟出浴全身潔離塵一鏡妍
細珠留的爍活汞走勻圓太素知無匹孤標儼得仙靈根超十地色界淨諸天
影濯銀河畔香清羽扇邊質迷深自隱絲引誤相牽帶咲聊悠爾
李羣玉詩處
世心悠爾
含悽莫泫然凌波愁浪惡傾蓋望雲穿江浦舟遲泛湘皋佩合捐輸他冰雪詠
孰與鬪便嬾

次韻匠門陰雨不止

兼旬雷失威入夜雨尤猛欠伸局腰脊靡騁瞻項領流惡溝瀆盈居汙箕箒屏
千門煙勃窣九陌路壅梗童出怕淤泥婢炊愁濁井桁衣變黧黝襪被感單冷
庭作沼聚漚簷爲瀑垂綆誰歟請祈禱古者有修省澤馬兆何祥坎輿戒多眚
清吟召蝮蝱怒叫禁蠲龜庶令沴氣消徐俟曦光晒人胥出淪溺吾亦散憂耿
世事疾轉圜天心易翻餅勉旃毋多談行矣需少頃歸途指蠖螻去意隨舴艋
此時詠君詩有味彌雋永

六月十四夜久雨忽霽小庭涼月如秋五更起坐卽事成詠

夜靜窗微明雞鳴曙猶未攬衣步庭下簷溜初止沸斜月在西南殘雲風掃旣
銀河洗我目玉露清我胃一涼襲虛襟餘潤及羣卉流光閱醉夢好景失壘贖
獨有無寐人先知秋氣味

喜晴次匠門韻二首

正爾巡檐嘆伏陰忽開霽色見天心月將東出氣尤爽火已西流炎不侵

後三日立

秋
赤脚一雙休踏屐白絲半頂喜抽簪呼童急掃堦前地準備高人策蹇尋

勿論熱熟與生疎禪家有熟熟處求生疎語閉戶多時出少車隔宿傳詩邀客和歸期檢曆

遣兒書徑鋪嫩蘚似盆豔秋花錦不如更蕢迎涼一瓶酒此間何事可愁予

院長近以赤藤杖見贈合之前詩意蓋欲易我畫義也作詩報之

昨以病乞假先鐫半年俸挂杖坐無錢棄杖辭寓諷實則心愛之時時手摩弄
貧家乏宧物一竹當兩用挂畫乃名義隨身卽爲從先生欲巧取猥以赤藤送
此藤產塞山年深蟠石縫細筋漸成骨直理透條綜堅如鐵鑄成亦可扶躑躅
壁來田不往曲直何足訟平生車馬裘義取朋友共於茲獨有恠貪得比藝種
挾兩詎爲多失一肯輕縱公廉忍見奪我寶彌增重幸賜雙杖銘俾得終身誦

立秋前一夕匠門席上作

此會循環忽五年老於交誼倍依然何曾清景辜風月又聽商聲入管絃齒序
慚余居客右詩成君肯讓誰先眼前看是尋常事或有人從異日傳

立秋疊前韻用唐竇常詩作起句

算老重經癸巳年
況逢秋至轉淒然
露灑梧徑蕭蕭葉
雨上琴床緩緩絃
是日復雨
萬事蹉跎羊視後
一帆迢遞雁爭先
候門知有兒孫在
烏鵲連朝喜浪傳

是日繆湘芷攜酒肴就余寓錢別偕匠門秀野潤木三疊前韻

風雨相留欲判年
足音蓬藿喜登然
情知老馬難回策
目送歸鴻又拊絃
擘紙

聯吟豪鬪健圍碁
賭酒怯饒先
時與匠門對局賭酒互有勝負
良辰一醉誰拋得
生怕狂名被

俗傳

次汪紫滄同年見送原韻四首

鱗思反壑羽投林
知我誰能諒此心
引疾敢云臣計早
得歸尤荷主恩深
裝

輕似葉行添杖筆
禿如椎懶廢吟
只有故交忘不得
每從別賦感登臨

新詩字字比驪珠
懷袖分光照座隅
畫裏烟波鷗境界
燈前風雨鴈程途
金蘭

義重言多苦藥石
功深病或蘇
却吟迂疎真不揣
欲將農圃傲蓬壺

月華南畔浴堂邊
形影相隨近十年
雲步改遷尋丈地
霓裳吹散大羅天
曾叨

香案稱清吏
誤籍蓬池作謫仙
努力文章留報國
尙餘殘局在芸編

不貪支俸給官薪分定榮枯付往因自信我爲當去客劇憐君是未歸人一身
只要貧長健万事休憑夢當真別後有書煩屢寄免教北望苦馳神

立秋後三日匠門家集梨園爲勝會再邀余入座四疊前韻

夜似長年日小年逢場何忍獨醒然野王岸上停三弄司馬江頭輟四絃月裏
霓裳聽乍徹座中白髮感尤先梨園法曲皆供奉或恐人間是別傳

道山亭在福州城內宋程公闢爲守時所建曾南豐爲作記者也歲久
傾圮林子鹿原得其故址將築堂名以辦香蓋取陳后山向來一辦香
敬爲曾南豐之句屬友人繪圖來索詩

宋時道山亭剏自程太守南豐與作記膾炙人在口從此此亭名遂爲曾氏有
歷年經入百頽廢來已久鹿原嗜古人尋碑攘榛藪擘窠三大字云出林希手
其字今倖存其人無足取大哉復古義義取別賢否築堂名辦香欲以妍蔽醜
在昔陳與曾同時實師友子今生末世獨立嘆無偶私淑夫豈徒行將奉箕箒
庸非學問力卽事期不朽我昨遊三山探奇意多負銀袍者誰子曾解讀碑否

劉後村福州道山亭詩城中楚
楚銀袍子來讀會碑有幾人

警露軒鶴雛爲鹿原賦

吾聞鶴之性與露最相警軒以警露名借鶴用自省今年果得鶴先後名實併
出穀曾幾時風標已閒靜仰窺俯有拾咫尺回素頸主人院落寬老樹蔭苔井
雞羣知獨立瘦骨挾仙影未得戛然鳴奈茲秋夜永種天會有日羽翮在修整
題樓敬思夢洗三硯圖二首

曾於夢裏得三硯三館今來校秘書不信校書真應夢但拋心力注蟲魚
夢筆如江夢鳥羅微凹聚墨不爭多文章豈必關神授知有工夫在洗磨

次韻奉酬院長西厓前輩贈行之句

直從毛羽假翩翩

用南史蕭引傳中語

送我歸耕頰上田
比較鷓鴣宜落後
簸揚糠粃愧

居先東門古有迴車路西夕天留養拙年且喜歐陽爲學士蓬山領袖得詩仙

附原作

湯右曾

鷓鴣臺閣正聯翩忽賦歸與種秫田爲樂恐教兒輩覺生天一任丈人先元

和體有三千首謝朓才論二百年我欲舉君還自代似君真合領羣仙

敬業堂詩集卷四十一

...

...

...

...

...

...

...

...

...

敬業堂詩集卷四十二目錄

計日集

七月朔長假出都諸同年同學祖餞于廣寧門外卽席留別

蘆溝道中遇德尹自嶺南典試回京

涿州待渡

暮投三家店

過新城留別虞武通同年

白溝道中卽事

未至雄縣二十里老僧寧初新剏一菴避暑小憩遇汪苻洲前輩自吾鄉

典試回茶話移時而別

雄縣早發

庚午二月與姜西銘同飯於趙北口姜食魚被鯁以酒下之徑至大醉一

時傳爲嘻咲今復經此悽然感懷

解渴吟

賣瓜者

商家林買草笠

肩輿

曉過德州感舊

旅店七夕懷德尹潤木兩弟都下

曉入高唐州境始免泥淖之苦

扶犁叟

過荏平新令吳寶崖尙未到官戲題旅壁

東阿道中

出都時買得于文定公穀城集心慕

其人七月初九夜宿舊縣乃公故里也夢公投刺見訪自敘出處本末

甚悉覺而異之敬紀一律自汶上至濟寧田間多種藍及煙草

濟寧寓樓坐雨

寓樓讀陶詩畢敬題其後

雨中獨遊南池

舟發濟寧

過仲家淺望魚臺諸山

南陽鎮二首

食魚

泗上亭

食蓮藕有感

晚泊韓莊聞

枕上喜聞櫓聲

臺兒莊阻風

洸溝順風掛帆

入新河見糧艘覆敗者

五更渡黃河食頃抵天妃閣

兩泊淮關

淮上留別族弟信斯

淮陰侯廟下作

泊寶應喬介夫枉過舟中兼餉家釀

高寶漕渠夏秋凡兩決半月前隄工始就舟行過此有感而作

過露筋祠下

邗關小泊同年王樓村攜酒就舟中

小飲

過高旻寺輓湘雨長老

丁亥春隨 駕遊金山寺爾時便作休官之想初心幸遂重經山下風便

不及泊作詩以結後緣

夜宿常州城外

梁溪道中

村童籠致黃雀二十尾用六十錢買

之放生口占一首

過吳門擬一晤何屺瞻吳漪堂陸冰

十賢諸同年竟爲風雨所阻戲以詩代柬

初到家二首

中秋桂庭對月與徐韓奕馬衍齋及

兒孫輩小飲

省先父母墓

行園

腹痞

藥師周晬

九月晦日馬行齋見過同為雲岫之

遊

泊舟用里堰肩輿行經南北兩湖

晚抵高陽山麓上九曲磴夜投雲岫菴

十月朔五更鷹窠頂觀日出

糴米

祝尚于潘竹村偕過不值各以新詩見投奉答一首

連日雪不止忽憶塞外舊遊

藩司頒新曆至

聞王丹思及第之報喜而有寄

冬至後一日復雪

自題臥室

曉窗展卷有味乎昌黎吾老著讀書

之句輒成一律

後十日復大雪

小齋前移植梅樹

次副相揆公塞外遇雪用舊韻見懷

二首

座主宗伯許公枉駕敝廬感今追昔

敬賦長律致謝

閱詠

臘月雨

半月以來坊局史館前後輩削籍者

凡二十一人偶閱邸抄慨然而賦

癸巳除夕家讌有懷諸弟二首

敬業堂詩集卷四十二目錄

敬業堂詩集 卷四十二目錄

三一 中華書局聚

卷之二十一

...

...

...

...

...

...

...

...

...

...

...

...

敬業堂詩集卷四十二

海寧 查慎行 悔餘

計日集 起癸巳七月 盡十二月

暑雨連旬初秋就道自去年二月引疾乞休及是六百日矣淵明云行行

循歸路計日望舊居而今而後歲月庶為我有乎

七月朔長假出都諸同年同學祖餞于廣寧門外即席留別

襖被蕭條去離筵鄭重開大生歸子色榮捧故人杯紫陌回頭隔青山就眼來

渭城歌最好朝雨浥輕埃 是日微雨

蘆溝道中遇德尹自嶺南典試回京

出入如相避翻驚邂逅緣遠來君報命獨往我歸田別緒三秋鴈吟情一路蟬

對床風雨約迢遞待明年 第臨別有明年乞歸之約

涿州待渡

督亢陂邊柳秋條尚蔭人浮橋經漲斷驛路出泥新兀兀欲成夢皇皇多問津

讓他車馬客爭渡入紅塵

暮投三家店

不敢怨泥塗來當積潦餘羣羣逐鵝鴨處處阻溝渠酒肆蟻爭垵瓜棚蠅趁虛也知皆逆旅到此復趁趨

過新城留別虞武通同年

舊宰茲邑因大計降調

赤縣當煩劇期年極苦辛心勞書下考官罷得長貧世議近逾隘交情老自真西湖有鷗鷺遲爾作閒人

白溝道中即事

水利遺塘灤燕南怕雨多原田平少岸沮洳溢為河改路尋牛跡分裝累馬馱艱難愁一老蒿目意如何

未至雄縣二十里老僧寧初新拗一菴避暑小憩遇汪苻洲前輩自吾

鄉典試回茶話移時而別

精舍何年築前臨古堠旁征途尚炎熱佛地果清涼却扇邀僧話分茶與客嘗

班荆留數語後會兩茫茫

雄縣早發

秋暑如三伏僕夫貪早涼孤城浮水氣匹馬望星光露下田塗白風來苻藻香
行行天漸曉柳外見帆檣

庚午二月與姜西銘同飯於趙北口姜食魚被鯁以酒下之徑至大醉
一時傳爲嘻咲今復經此悽然感懷

二十年前路尋姜並轡行食魚憐骨鯁下酒怪顏酡老友他鄉盡吾生去日多
向來談咲事淚雨變滂沱

解渴吟

勞人兼病渴一勺望甘霖直覺烹茶緩還嫌汲井深蟬清惟蛻殼柳老或空心
我是忘炎者聊爲解渴吟

賣瓜者

辛苦瓜田叟瓜成計息微物因多致賤人以渴充饑肯守傷根戒行將抱蔓歸

食瓢多棄子遺種漸防稀

商家林買草笠

頭輕宜戴笠野服換商林兩庇全身濕晴邀片席陰下車寧望揖上馬憶曾吟

往年隨駕清暑奉旨從青籜平生夢蹉跎直至今余又有謝賜魚詩云綠

官俱戴草帽余曾有詩紀之

肩輿

禮有扶衰病吾今釋負擔徒行何不可安坐得毋慚未免役人力將何解謔談

香山援舊例陋巷得乘籃

樂天詩陋巷乘籃入朱門挂印回

曉過德州感舊

閱徧畿南驛禾麻喜歲豐平蕪千里碧初日半天紅世故論今昔皇情荷始

終壬午冬召見德州行宮隨命入內廷

十年牛馬走力盡往來中

旅店七夕懷德尹潤木兩弟都下

燕齊風一變

連日苦熱今朝頓涼

邾魯柝相聞弦月涼於水繩河澹入雲雞鳴無失次鶴

警不離羣誰念獨吟客油燈坐夜分

曉入高唐州境始免泥淖之苦

遙遙三十里一塔表州城海市奇觀失

夢溪筆談歐陽公至高唐館見沙中車馬人物歷歷可辨時謂之高唐海市

沙程病骨輕車行出糜淖人意就寬平方朔祠邊路

城北舊有南來第八程東方朔祠

扶犁叟

偃偻出茅茨扶犁長恐遲辛勤憐一叟遊惰聽羣兒巢燕將雛候耕牛舐犢時

人情略相似老者近乎慈

過荏平新令吳寶崖尙未到官戲題旅壁

荏平新邑長赴任底遲遲吐俗三秋望王程九日期多傾浮蟻酒省作捕蝗詩

一宿吾隨便何煩地主爲

昨在都門問寶崖何以不赴任知其欲避捕蝗之役也

東阿道中

今日東阿縣重瞻少岱山河流連巨野地脈隱礪關

宋檀道濟置關于礪關下地當在縣南今不可攷

剝棗棘籬外漚麻溝澮間土風占月令一破旅人顏

出都時買得于文定公穀城集心慕其人七月初九夜宿舊縣乃公故

里也夢公投刺見訪自敘出處本末甚悉覺而異之敬紀一律

館閣論前輩先朝一穀城如何犯公諱直欲改余名事往儀型在神交夢寐清
篋中有佳集去國仰高情

自汶上至濟寧田間多種藍及煙草

本業拋農務羣情逐貿遷刈藍多用染屑草半爲煙樹藝非嘉種膏腴等廢田
家家坐艱食那得屢豐年

濟寧寓樓坐雨

南池將買櫂北騎此休鞍得免載濡窘復叨卽次安羣喧因雨靜一榻占樓寬
我獨邀天幸人間路正難

寓樓讀陶詩畢敬題其後

顏謝非同調千秋第一人精深涵道味爛熳發天真有恥難諧俗無官肯計貧
平生頑懦意感動賴先民

雨中獨遊南池

外吏無交舊歸人簡應酬烟波宜獨往風雨感重遊遠影千帆暮孤亭萬樹秋

多情天井派日夜向南流

東泉志自滋陽至寧陽界共六十三泉俱入濟寧是為天井派

舟發濟寧

波紋平熨帛岸影曲隨弓坐覺一船穩行聞八牖通城根匯沆汶雲外指龜蒙
多少乘軺使誰憐大小東

過仲家淺望魚臺諸山

解纜雞三唱前征曙色催蒼葭迷藪澤白鳥起灣洄日挾川光動帆衝霧氣開
好山青似染的的近魚臺

南陽鎮二首

五丈溝東望陂湖極森茫

寰宇記泗水自任城界經魚臺東與泗水合一名五丈溝西自金鄉流入

楊椿支兩畔綫

溜走中央古市秋來廢平田潦後荒船載漁具聊復免流亡

一帶山形墮周遭地勢拗老隄崩泐石欹屋落苦茅是處添新戍何年詠樂郊

最憐農失業牛犢飽芻茭

食魚

涉水今年大河魚逆上流垂竿來接尾舉網出駢頭童僕餐皆饜庖廚棄不留
多年京洛住此味當珍鱠

泗上亭

亭長臺邊路茫茫閱世多自墟秦社稷誰保漢山河芒碭雲銷氣粉榆社改柯
空傳沛中叟曾聽大風歌

食蓮藕有感

蓮藕同時賣湖鮮賤勿論劈蓬香爪甲嚼雪脆牙齧過客連檣販居民種水繁
好爲來歲計采實合留根

晚泊韓莊聞

百丈轉陂陀孤舟泊旋渦遠山浮沛縣急水灌洳河鴈鷺連天去萑苻棄地多
坐看殘月上徹夜有漁歌

枕上喜聞櫓聲

櫓聲清似雁搖夢下前汀轉益歸心急能教醉耳醒風生南北埭月過短長亭
不解眉山老欣聞泗岸鈴

臺兒莊阻風

行止原難必天涯信短篷明知滿槽水不敵石郵風高枕沈舟外微吟折葦中
向來多逆境閱歷已成翁

泃溝順風掛帆

侵曉長年起開頭報順風遄歸天意許利涉客心同後至無奔馬前飛及片鴻
布帆安穩在計日報兒童

入新河見糧艘覆敗者

黃水奔騰入新渠變濁流誰云無大患
凡漕運漂流米二百石以內爲小患
二百石以外爲大患見何喬遠記
舊有沈舟已鑿終難塞將淤在急籌治河兼治漕何策兩綢繆

五更渡黃河食頃抵天妃閣

淮強黃勢弱壁箭出盤渦水碧見檣影月明來棹歌蛟龍三舍避鷗鷺兩涯多
不用占風色聞雞已渡河

雨泊淮關

鎖鑰嚴關閉裝囊獨客輕市樓傳櫂暗鄰舫吐燈明酒罷人初靜風高浪不驚
淮南今夜雨好片滴篷聲

淮上留別族弟信斯

怡荆好兄弟五世義門如每下南州榻長停中道車貧來初析箸老去各移居
尚爾敦宗誼殷勤一慰予

淮陰侯廟下作

滅楚還封楚破齊曾王齊英雄歸駕馭股掌若孩提失國嗟烹狗糜身付牝雞
土人憐至骨廟像儼公主

泊寶應喬介夫枉過舟中兼餉家釀

翼折桓山烏喬家季獨存再過城外路及踐別時言

春初介夫在京師聞余有長告意初未之信故云

風雨藏書屋鶯花縱櫂園

向為尊甫侍讀公作縱棹圖歌又為令兄庶常君題葦葭書屋

舊題如夢寐負此酒

盈尊

高寶漕渠夏秋凡兩決半月前隄工始就舟行過此有感而作

民力東南竭官程西北勞隄防隨處潰畚鍤不時操秔稻連塍沒菰蔣比岸高
古來論水利豈獨為通漕

過露筋祠下

舊是鹿筋梁何年祀女郎至今留廟貌考古實荒唐曉氣蛙魚國秋聲蚊蚋鄉
人家葦花裏放鴨滿陂塘

邗關小泊同年王樓村攜酒就舟中小飲

半日揚州住為歡累主人同年官自達

謂李

二老分相親我袖羞懷刺君囊轉

諱貧攜觴還挈榼感激為情真

過高旻寺輓湘兩長老

宿昔還山約蹉跎久未忘高僧先下世法子繼開堂物外交遊少人閒感數長

餘生知幾日來炷影前香

丁亥春隨 駕遊金山寺爾時便作休官之想初心幸遂重經山下風

便不及泊作詩以結後緣

蓬萊重入望風引去如飛指水言猶在登山力已微憑誰留玉帶幸自脫朝衣

余遊金山詩有終脫朝衫披野衲句為報江神道無田我亦歸為謝江神豈得已有田不歸如江水蘇東坡登金山句也

夜宿常州城外

渡江纔兩宿今夕到毗陵酒熟橋邊肆魚跳柳外昏煙波千里舶簾幕幾重燈

漸與鄉園近惟愁米價增

梁溪道中

山水多平遠秋來悉美田紅薑肥似掌紫芋大於拳玉剝菱腰闊珠收芡粒圓

老饕歸為口一味說豐年

村童籠致黃雀二十尾用六十錢買之放生口占一首

八月野田雀成羣入市闐充庖憐爾命倒篋破吾慳孰出樊籠外並生天地間

放飛因戒殺不是望銜環

過吳門擬一晤何屺瞻吳漪堂陸冰賢諸同年竟爲風雨所阻戲以詩
代柬

屈指算良晤到來風雨狂往還期不偶跬步病相妨酒要乘閒置游須計日償
防他三子唉歸去有何忙

初到家二首

生涯與時背所事率滯阻六月擇歸期既雨且當暑涉秋甫就道涼意動砧杵
締綌乃征衣到家換時序淒風不堪著初服已吾許
久客返敝廬曩基無改築南榮望阡陌西舍通隣曲舊時杖白頭零落多鬼錄
後生類好事開口問朝局吾衰苦善忘聾聵廢耳目報以一不知惟應話農牧
中秋桂庭對月與徐韓奕馬衍齋及兒孫輩小飲

桂樹影婆娑飄香散月波中秋晴日少樂事故園多邂逅成良會團圓好放歌
兒孫齊在眼不醉更如何

省先父母墓

墓祭仍隨俗君羹不逮親轉傷通籍晚無補在家貧去卜青烏吉歸瞻翠鬣新
松栽欣免觸山鹿爾何仁

行園

畦丁老且死五畝廢不治朝來杖藜往露草紛披披桑柘析為薪藤蘿蔓成籬
池荒鷺羣散地瘦螿族移蚤知蕪穢場中有茅菴基畫圖良已具結構伊何時

禹慎齋曾為余
作初白菴圖

腹痞

本意歸田樂翻將病到家胸中無壘塊腹內有癥瘕銖兩醫方誤毫釐砭石差
去夏在京師
針治不效 所憂非性命衰態自堪嗟

藥師周晬

去年傳遠信錫汝藥師名我老歸初見兒今齒已生但求無疾疢不敢望聰明
撥棄人間事猶餘膝上情

九月晦日馬衍齋見過同爲雲岫之遊

近遊老尙能獨往難決驟自從竹垞喪結伴少耆舊馬仲晨叩門邀余赴雲岫
放船非意料勝踐出邂逅我有一枝藤筋強節堅瘦何曾踰步失所向傍顛仆
扶衰幸有賴懶病庶可救連山際東南崖竅露晴晝九十有九峯一峯爲領袖
前蹤悵未到初願晚始就迨此風日佳後期恐難又

泊舟角里堰肩輿行經南北兩湖

水盡乃見山捨舟遂遵陸村遙雞犬散路狹田禾熟漸入漸幽深近身空翠撲
濛濛午曦澹黯黯秋氣蓄忽於杳靄中豁達開心目三百頃湖光長隄亘其腹
霜林環四照倒影漾紅綠惜哉好畫圖冷落付樵牧平生汗漫遊臨老思歸宿
終當結茅茨來此占一曲

晚抵高陽山麓上九曲磴夜投雲岫菴

到山路疑窮壁立青巘屹松陰十二轉一上改一觀忽聞鷹叫風側背來高寒
夕陽墮西陸返景飛彈丸闕寂禪者居地偏天形寬鐘聲落海外列宿棲簷端

老僧笑迎門藹若平生歡謂言登陟險知我步履艱汲井爲烹茶拂牀與安單
蕭然一行脚只作道侶看

十月朔五更鷹窠頂觀日出

吾聞堯時十日曾並出域內大水凡九年自從羿射九日落大禹注海納百川
獨留一曜隨天旋爾來四千一百七十載朝朝沐浴蛟龍淵登州蓬萊閣太山
日觀羅浮巔文人遊跡往往到鷹窠之頂僻在東南偏海隅荒陋題詠少好事
或聽旁人傳率云九月晦後十月朔是時日月行同躔初生類合璧吞吐寅卯
前居民生長此山頂目所睹記云偶然況乃遊人一生或間至何怪欲觀無由
緣我來此處看日出要是乾坤曠蕩之奇觀山高地窮天水連尾閭東洩茫茫無
邊明星有爛黑氣作霧非霧兮烟非烟移時一痕破滿空血色紅殷鮮乍浮復
乍沈水底疑被長繩牽須臾涌出水面圓紫金光現搏桑顛自東而西不知幾
万里一綫倒射洪波穿亦不知自高而下幾千萬丈一躍直上團團天觀者
目眩心神遷却尋雞聲到宿處松窗黑暗僧猶眠

糴米

官罷無祠祿家貧斗石艱致炊誰巧手欲乞我慚顏懸釜三秋後傾囊一飽間
瓶罌防鼠竊莫笑老夫慳

祝尙于潘竹村偕過不值各以新詩見投奉答一首

卅載風塵兩鬢絲得歸翻悔挂冠遲門無俗客閒何礙里有耆年晚始知銜袖
方將修半刺投名先已枉新詩從今步履毋辭數各趁腰輕脚健時

連日雪不止忽憶塞外舊遊

皋蘇祠下拜龍公預祝明年二麥豐稍密儘教封鰓戶漸高休遣沒牛宮久無
書寄孤鴻外曾記身穿万馬中誰信茆簷蒙敗絮出門一步怕頭風

藩司頒新曆至

天上軒轅紀山中草木年授時存國典頒賜及村田舊曆行當棄陳人祇自憐
千官孟冬朔猶記午門前

聞王丹思及第之報喜而有寄

有命難終屈多才豈易量
武英書局議敘同事諸子先後得官丹思
蹉跎留畫

苑瀟洒赴文場一賦辭成識三年願果償
喜聞王芍藥秋後領羣芳
庚寅春丹思作芍藥

賦其結語云開時不用嫌君晚君在青春最上頭余戲呼為王芍藥竟成大魁之識

冬至後一日復雪

經旬重遇雪半月未開冰積素林光合微陽井氣升
蕊疎梅尚禁梢重竹難勝

傳語敲門客奇寒幸見矜
時有以俗事相擾者

自題臥室

生踰七九年考室忝堂構敝廬足風雨自我先人舊
塗墍旁免穿茅茨上除漏

于中劣容榻坊墁功易奏蠶繭密包纏蜂房疏戶牖
陰陽有向背時日無避就

何以占吉祥甘眠宵續晝

曉窗展卷有味乎昌黎吾老著讀書之句輒成一律

捨此身何著蠹書時復翻味應同菽粟老豈廢饗飧
請益虛師友流風覲子孫

却慚更事久多負古人言

後十日復大雪

天工如刻期一月連三白同雲聚其族巧作十日隔初聞檐溜融旋見瓦溝積
幽人閉關臥護此一庭潔里老有好懷衝寒走相索叶豈無新釀黍與汝回煖
熱肺病適余侵臨觴主慚客居鄰幸匪遠歲晚況休役有約待晴和傾壺看新
麥

小齋前移植梅樹

擬徙池東樹規除砌下苔最先論位置次第及栽培疎影移燈就生機戰雪回
歲寒吾與汝滿眼盼花開

次副相揆公塞外遇雪用舊韻見懷二首

遠枉三秋訊開當雪霽時斷雲歸岫晚朔雁渡江遲舊事炊梁夢新篇疊韻詩
別前初約在宛宛見心期

班行同引籍掌次近除名馬上衝寒色山中曝背情君才方大用吾意適孤行

若問菟裘計鳩巢拙未成

來詩云勉酬初白
願爲報一菴成

座主宗伯許公枉駕敝廬感今追昔敬賦長律致謝

童穉相親到白頭公今予告我歸休二三子外無同輩五十年前是舊遊僻地
煙霞迎几杖敝廬風雨傍松楸多承古道關存歿在處追隨淚欲流

三闋詠

延曦開竹閣向晦掩柴關世自如煙動

謝靈運詩民動如煙我靜而鏡

吾猶比鶴閑靈苗須善

護雜念最難刪此境於何驗無如寤寐間

臘月雨

五行遞休旺歲晏陰亢陽曾是冰霰晨際茲淫潦妨一旬恆雨若物性遂失常
南山慰朝濟四野煙霾併百草萋以綠苔枝競芬芳堦前蚯蚓出檐角春鳩鳴
虹見亦非時乘機潛發生頊真溺厥職氣洩冬不藏田間一禿翁所願歌時康
側身屋漏底仰視天茫茫

半月以來坊局史館前後輩削籍者凡二十一人偶閱邸抄慨然而賦

占籍幾三百同朝半盍簪故知員太冗不謂謹方深枯菀寧關命行藏各拊心

幸收麋鹿跡終莫負山林

癸巳除夕家讌有懷諸弟二首

室煖紅爐炭窗浮晝燭煙歲華如夢裏家慶且尊前明日晴難料殘宵醉可憐
龍鍾還自幸扶病過蛇年

稍稍初心遂匆匆節物違寒庖供野饋質庫寄朝衣有弟分南北

時德尹潤木留京邸信菴

客粵西未歸

無官減是非一門推我長齒序也應歸

敬業堂詩集卷四十二